

巢氏諸病源候總論綱目

第一卷

風病

虛勞病

腰背病

消渴病

解散病

傷寒病

時氣病

熱病

溫病

疫癘病

第十一卷

瘡病

黃病

冷熱病

氣病

脚氣病

欬嗽病

淋病

大小便病

臟腑病

心病

腹痛

心腹病

痢病

濕匿病

九蟲病

積聚癥瘕病

疝病

痰飲病

癖病

否噎病

第二十一卷

脾胃病

嘔噦病

食不消病

水病

霍亂病

中惡病

尸注病

蠱毒等病

血病

毛髮病

面體病

目病

鼻病

耳病

牙齒病

唇口病

喉心育病

四肢病

第三十一卷

癭瘤等病

丹毒病

腫病

丁瘡病

癰疽病

痔瘻病

瘡病

傷瘡病

獸毒

蛇蟲毒病

雜毒病

金瘡病

腕傷病

婦人雜病

第四十一卷

妊娠病

將產病

難產病

產後病

小兒雜病

右類凡五十卷

巢氏諸病源候總論綱目

終

巢氏諸病源候總論目錄

卷之一

風病諸候上

凡二十九論

中風候

風癘候

風口噤候

風舌強不得語候

風失音不語候

賊風候

風瘞候

風角弓反張候

風口喎候

柔風候

風痲候

風脹退候

風偏枯候

風四肢拘攣不得屈伸候

病源自金
風身體手足不隨候

風濕痺身體手足不隨候

風痺手足不隨候

風半身不隨候 偏風候

風躄曳候 風不仁候

風濕痺候 風濕候

風痺候 血痺候

風驚邪候 風驚悸候

風驚恐候 風驚候

卷之二

風病諸候下

凡三十論

歷節風候

風身體疼痛候

風入腹拘急切痛候

風經五臟恍惚候

刺風候

蠱風候

風冷候

風熱候

風氣候

風冷失聲候

中冷聲嘶候

頭面風候

風頭眩候

風癩候

五癩病候

風狂候

風邪候

鬼邪候

鬼魅候

惡風鬚眉墮落候

惡風候

風瘙隱胗生瘡候

風瘙身體隱胗候

風瘙痒候

風身體如蟲行候

風痒候

風痞癩候

諸癩候

烏癩候

白癩候

卷之三

虛勞病諸候上

凡三十九論

虛勞候

虛勞羸瘦候

虛勞不能食候
胃氣虛弱不能消穀候

虛勞三焦不調候

虛勞寒冷候
虛勞痰飲候

虛勞四肢逆冷候

虛勞手足煩疼候

虛勞積聚候
虛勞癥瘕候

虛勞上氣候
虛勞客熱候

虛勞少氣候
虛勞熱候

虛勞無子候
虛勞裏急候

虛勞傷筋骨候

虛勞筋攣候

虛勞驚悸候

虛勞風痿痺不隨候

虛勞目暗候

虛勞耳聾候

虛勞不能眠候

大病後不得眠候

病後虛腫候

虛勞脉結候

虛勞汗候

虛勞盜汗候

諸大病後虛不足候

大病後虛汗候

風虛汗出候

虛勞心腹否滿候

虛勞心腹痛候

虛勞嘔逆候

虛勞欬嗽候

虛勞體痛候

虛勞寒熱候

虛勞口乾燥候

卷之四

虛勞病諸候下

凡三十六論

虛勞骨蒸候

虛勞舌腫候

虛勞手足皮剝候

虛勞浮腫候

虛勞煩悶候

虛勞凝唾候

虛勞嘔逆唾血候

虛勞嘔血候

虛勞鼻衄候

虛勞吐下血候

虛勞吐利候

虛勞兼利候

虛勞秘澀候

虛勞小便利候

虛勞小便難候

虛勞小便餘瀝候

虛勞小便白濁候

虛勞少精候

虛勞尿精候

虛勞溢精見聞精出候

虛勞失精候

虛勞夢泄精候

虛勞喜夢候

虛勞尿血候

虛勞精血出候

虛勞膝冷候

虛勞陰冷候

虛勞髀樞痛候

虛勞偏枯候

虛勞陰萎候

虛勞陰痛候

虛勞陰腫候

虛勞陰疝腫縮候

虛勞陰下濕痒候

虛勞陰瘡候

風虛勞候

卷之五

腰背病諸候

凡十論

腰痛候

腰痛不得俛仰候

風濕腰痛候

卒腰痛候

久腰痛候

腎著腰痛候

腎腰候

腰脚疼痛候

背僂候

脅痛候

消渴病諸候

凡八論

消渴候

渴病候

大渴後虛乏候

渴利候

渴利損後候

渴利後發瘡候

內消候

強中候

卷之六

解散病諸候

凡二十六論

寒食散發候

解散痰癖候

解散除熱候

解散浮腫候

解散渴候

解散上氣候

解散心腹痛心澀候

解散大便秘難候

解散虛冷小便多候

解散大便秘血候
解散卒下利候

解散下利後諸病候

解散大小便難候

解散小便不通候

解散熱淋候

解散發黃候

病源目録
解散脚熱腰痛候

解散鼻塞候

解散發瘡候

解散癰腫候

解散煩悶候

解散嘔逆候

解散目無所見目疼候

解散心腹脹滿候

解散挾風勞候

解散飲酒發熱候

卷之七

傷寒病諸候上

凡二十三論

傷寒候

傷寒發汗不解候

傷寒取吐候

中風傷寒候

傷寒一日候

傷寒二日候

傷寒三日候

傷寒四日候

傷寒五日候

傷寒六日候

傷寒七日候

傷寒八日候

傷寒九日已上候

傷寒咽喉痛候

傷寒斑瘡候

傷寒口瘡喉

傷寒登豆瘡候

傷寒登豆瘡後滅瘢候

傷寒謬語候

傷寒煩候

傷寒虛煩候

傷寒煩悶候

傷寒渴候

傷寒嘔候

傷寒乾嘔候

傷寒吐逆候

傷寒噦候

傷寒喘候

傷寒厥候

傷寒悸候

傷寒瘧候

傷寒心痞候

傷寒結胃候

卷之八

傷寒病諸候下

凡四十四論

傷寒餘熱候

傷寒三臟熱候

傷寒變成黃候

傷寒心腹脹滿痛候

傷寒宿食不消候

傷寒大便不通候

傷寒小便不通候

傷寒熱毒利候
傷寒膿血痢候

傷寒利候

傷寒病後胃氣不和利候

傷寒上氣候
傷寒欬嗽候

傷寒衄血候
傷寒吐血候

傷寒陰陽毒候
壞傷寒候

傷寒百合候
傷寒狐惑候

傷寒濕匿候

傷寒下部痛候

傷寒病後熱不除候

傷寒病後渴候

傷寒病後不得眠候

傷寒病後虛羸候

傷寒病後不得食候

傷寒病後虛汗候

傷寒內有瘀血候

傷寒毒攻眼候

傷寒毒攻足候

傷寒毒流腫候

傷寒病後脚氣候

傷寒病後霍亂候

傷寒病後瘧候

傷寒病後渴利候

傷寒肺痿候

傷寒失聲候

傷寒夢泄精候

傷寒勞復候

傷寒病後食復候

傷寒病後令不復候

傷寒陰陽易候

傷寒交接勞復候

傷寒令不相染易候

卷之九

時氣病諸候

凡四十三論

時氣候

時氣一日候

時氣二日候

時氣三日候

時氣四日候

時氣五日候

時氣六日候

時氣七日候

時氣八九日已上候

時氣取吐候

時氣煩候

時氣狂言候

時氣嘔候

時氣乾嘔候

時氣噦候

時氣噦候

時氣渴候

時氣衄血候

時氣吐血候

時氣口瘡候

時氣喉咽痛候

時氣發班候

時氣毒攻眼候

時氣毒攻手足候

時氣炮瘡候

時氣瘙瘡候

時氣蠶候

時氣熱利候

時氣膿血利候

時氣蠶利候

時氣大便秘不通候

時氣小便不通候

時氣陰陽毒候

時氣變成黃候

時氣變成瘡候

時氣敗候

時氣勞復候

時氣食復候

時氣病瘥後交接勞復候

時氣病後陰陽易候

時氣病後虛羸候

時氣陰莖腫候

時氣令不相染易候

熱病諸候

凡二十八論

熱病候

熱病一日候

熱病二日候

熱病三日候

熱病四日候

熱病五日候

熱病六日候
熱病七日候

熱病八九日已上候

熱病解肌發汗候

熱病煩候
熱病炮瘡候

熱病斑瘡候
熱病熱瘡候

熱病口瘡候
熱病咽喉瘡候

熱病大便不通候

熱病小便不通候

熱病下利候
熱病墮候

熱病毒攻眼候
熱病毒攻手足候

熱病嘔候

熱病噦候

熱病口乾候

熱病衄候

熱病勞復候

熱病後沉滯候

卷之十

溫病諸候

凡三十四論

溫病候

溫病一日候

溫病二日候

溫病三日候

溫病四日候

溫病五日候

溫病六日候

溫病七日候

温病八日候

温病九日巳上候

温病發班候

温病煩候

温病狂言候

温病嗽候

温病嘔候

温病噦候

温病渴候

温病取吐候

温病變成黃候

温病咽喉痛候

温病毒攻眼候

温病衄候

温病吐血候

温病下利候

温病膿血利候

温病大便不通候

温病小便不通候

温病下部瘡候
温病勞復候

温病食復候
温病陰陽易候

温病交接勞復候

温病瘥後諸病候

温病令人不相染易候

疫癘病諸候
凡三論

疫癘病候
疫癘疱瘡候

瘴氣候

卷之十一

瘧病諸候

凡十四論

瘧病候

溫瘧候

瘧瘧候

間日瘧候

風瘧候

痺瘧候

山瘧候

痰實瘧候

寒熱瘧候

往來寒熱瘧候

寒瘧候

勞瘧候

發作無時瘧候

久瘧候

卷之十二

黃病諸候

凡二十八論

黃病候

急黃候

黃汗候

犯黃候

勞黃候

腦黃候

陰黃候

內黃候

行黃候

癩黃候

噤黃候

五色黃候

風黃候

因黃發血候

因黃發利候

因黃發痔候

因黃發癩候

因黃後小便澀兼石淋候

因黃發吐候

黃疸候

酒疸候

穀疸候

女勞疸候

黑疸候

九疸候

胞疸候

風黃疸候

濕疸候

冷熱病諸候

凡七論

病熱候

客熱候

病冷候

寒熱候

寒熱仁來候

冷熱不調候

寒熱厥候

卷之十三

氣病諸候

凡二十五論

上氣候

卒上氣候

上氣鳴息候

上氣喉中如水鷄鳴候

奔氣候

奔豚氣候

上氣嘔吐候

上氣腫候

結氣候

冷氣候

七氣候

九氣候

短氣候

五隔氣候

逆氣候

厥逆氣候

少氣候

遊氣候

胃脅支滿候
上氣胃脅支滿候

久寒胃脅支滿候

乏氣候

走馬奔走及人走乏飲水得上氣候

食熱餅觸熱飲水發氣候

氣分候

脚氣病諸候

凡八論

脚氣緩弱候

脚氣上氣候

脚氣痺弱候

脚氣疼不仁候

脚氣痺攣候

脚氣心腹脹急候

脚氣腫滿候

脚氣風經五臟驚悸候

卷之十四

欬嗽病諸候

凡十五論

欬嗽候

久欬候

欬嗽短氣候

欬嗽上氣候

久欬嗽上氣候

欬嗽膿血候

久欬嗽膿血候

呷嗽候

暴氣嗽候

欬逆候

久欬逆候

欬逆上氣候

久欬逆上氣候

欬逆上氣嘔吐候

欬逆短氣候

淋病諸候

凡八論

諸淋候

石淋候

氣淋候

膏淋候

勞淋候

熱淋候

血淋候

寒淋候

小便病諸候

凡八論

小便利多候

小便數候

小便不禁候

小便不通候

小便難候

遺尿候

尿床候

胞轉候

大便病諸候

凡五論

大便難候

大便不通候

大便失禁候

關格大小便不通候

大小便難候

卷之十五

五臟六腑病諸候

凡十三論

肝病候

心病候

脾病候

肺病候

腎病候

膽病候

小腸病候

胃病候

大腸病候

膀胱病候

三焦病候

五臟橫病候

脾脈病候

卷之十六

心病諸候

凡五論

心痛候

久心痛候

心懸急懊痛候

心痛多唾候

心痛不能飲食候

腹病諸候

凡四論

腹痛候

久腹痛候

腹脹候

久腹脹候

心腹病諸候

凡七論

心腹痛候

久心腹痛候

心腹相引痛候

心腹脹候

久心腹脹候

胃脅痛候

卒苦煩滿又胃脅痛欲死候

卷之十七

痢病諸候

凡四十論

水穀痢候

久水穀痢候

赤白痢候

久赤白痢候

赤痢候

久赤痢候

血痢候

久血痢候

膿血痢候

久膿血痢候

冷痢候

久冷痢候

熱痢候

久熱痢候

冷熱痢候

雜痢候

休息痢候

白滯痢候

痢如膏候

蠱注痢候

腸蠱痢候

下痢便腸垢候

痢症目錄
不伏水土痢候 嘔逆吐痢候

痢兼煩候 痢兼渴候

下痢口中腸内生瘡候

痢兼腫候 痢穀道疼痛候

痢後虛煩候 痢後腫候

痢後不能食候 痢後腹痛候

痢後心下逆滿候

脫肛候 大下後噦候

穀道生瘡候 穀道蟲候

穀道痒候 穀道赤痛候

卷之十八

濕匿病諸候

凡三論

濕匿候

心匿候

疖匿候

九蟲病諸候

凡五論

九蟲候

三蟲候

虵蟲候

寸白蟲候

蟻蟲候

卷之十九

積聚病諸候

凡六論

積聚候

積聚痼結候

積聚心腹痛候

積聚心腹脹滿候

積聚宿食候

伏梁候

癥瘕病諸候

凡十八論

癥候

癥瘕候

暴癥候

鼈癥候

蝨癥候

米癥候

食癥候

腹內有人聲候

髮癥候

蛟龍病候

瘕病候

鼈瘕候

魚瘕候

蛇瘕候

肉瘕候

酒瘕候

穀瘕候

腹内有毛候

卷之二十

疝病諸候

凡十一論

諸疝候

寒疝候

寒疝心痛候

寒疝腹痛候

寒疝心腹痛候

寒疝積聚候

七疝候

五疝候

心疝候

飢疝候

痲瘦候

痰飲病諸候

凡十六論

痰飲候

痰飲食不消候

熱痰候

冷痰候

痰結實候

膈痰風厥頭痛候

諸痰候

流飲候

流飲宿食候

留飲候

留飲宿食候

癖飲候

諸飲候

支飲候

溢飲候

懸飲候

癖病諸候

凡十一論

癖候

久癖候

癖結候

癖食不消候

寒癖候

飲癖候

痰癖候

懸癖候

酒癖候

酒癖宿食不消候

飲酒人痰癖菹痰候

痞噎病諸候

凡八論

八否候

諸否候

噎候

五噎候

氣噎候

食噎候

久寒積冷候

腹內結強候

卷之二十一

脾胃病諸候

凡五論

脾胃氣虛弱不能飲食候

脾胃氣不和不能飲食候

胃反候

五臟及身體熱候

肺萎候

嘔噦病諸候

凡六論

乾嘔候

嘔噦候

嘔候

嘔吐候

噫醋候

惡心候

宿食不消病諸候

凡四論

宿食不消候

食傷飽候

穀勞候

卒食病似傷寒候

水病諸候

凡二十二論

水腫候

水通身腫候

風水候

十水候

大腹水腫候

身面卒洪腫候

石水候

皮水候

水腫欬逆上氣候

水腫從脚起候 水分候

毛水候 疸水候

燥水候 濕水候

犯土腫候 不伏水土候

二十四水候 水癥候

水癥候 水蠱候

水癖候

卷之二十二

霍亂病諸候 凡二十四論

霍亂候

霍亂心腹痛候

霍亂嘔吐候

霍亂心腹脹滿候

霍亂下利候

霍亂下利不止候

霍亂欲死候

霍亂嘔噦候

霍亂煩渴候

霍亂心煩候

霍亂乾嘔候

霍亂心腹築悸候

霍亂嘔而煩候

乾霍亂候

霍亂四逆候

霍亂轉筋候

中惡霍亂候

霍亂諸病候

霍亂後諸病候

霍亂後煩躁卧不安候

霍亂後不除候
轉筋候

筋急候
結筋候

卷之二十二

中惡病諸候
凡十四論

中惡候
中惡死候

尸厥候
卒死候

卒忤候
卒忤死候

鬼擊候
卒魘死候

魘不寤候
自縊死候

溺死候
中熱暈候

胃熱困乏候

凍死候

尸病諸候

凡十二論

諸尸候

飛尸候

遁尸候

沈尸候

風尸候

尸注候

伏尸候

陰尸候

冷尸候

寒尸候

喪尸候

尸氣候

卷之二十四

注病諸候

凡三十四論

諸注候

風注候

鬼注候

五注候

轉注候

生注候

死注候

邪注候

氣注候

寒注候

寒熱注候

冷注候

蠱注候

毒注候

惡注候

注忤候

遁注候

走注候

溫注候

喪注候

哭注候

殃注候

食注候

水注候

骨注候

血注候

滑痺注候

勞注候

微注候

泄注候

石注候

產注候

土注候

飲注候

卷之二十五

蠱毒等病諸候上

凡九論

蠱毒候

蠱吐血候

蠱下血候

氏羌毒候

猫鬼候

野道候

射工候

沙蝨候

水毒候

卷之二十六

蠱毒等病諸候下

凡二十七論

解諸毒候

解諸藥毒候

服藥失度候

諸飲食中毒候

食諸肉中毒候

食干肉中毒候

食馬肉中毒候

食六畜中毒候

食六畜百獸肝中毒候

食醬肉中毒候
食狗肉中毒候

食猪肉中毒候
食射菑肉中毒候

食鴨肉成病候
食漏脯中毒候

食魚鱠中毒候
食諸魚中毒候

食鱸魚肝中毒候

食鮓鮓魚中毒候

食蟹中毒候
食諸菜蕈菌中毒候

食諸蟲中毒候

飲酒大醉連日不解候

飲酒中毒候

飲酒腹滿不消候

惡酒候

飲酒後諸病候

卷之二十七

血病諸候

凡九論

吐血候

吐血虛熱胃中舌口燥候

嘔血候

唾血候

舌上出血候

大便下血候

小便血候

九竅四肢出血候

汗血候

毛髮病諸候

凡十三論

鬢髮禿落候

令生髭候

白髮候

令長髮候

令髮潤澤候

髮黃候

鬚黃候

令生眉毛候

火燒處髮不生候

令毛髮不生候

白禿候

赤禿候

鬼舐頭候

面體病諸候

凡五論

蛇身候

面皰候

面疔黧候

酒皰候

嗣面候

卷之二十八

目病諸候

凡三十八論

目赤痛候

目胎赤候

目風赤候

目赤爛眦候

目數十年赤候

目風腫候

目風淚出候

目淚出不止候

目膚翳候

目膚翳覆瞳子候

目息肉淫膚候

目暗不明候

目清盲候

目清盲有翳候

目茫茫候

雀目候

目珠管候

目珠子脫出候

目不能遠視候

目澀候

目眩候

目視一物為兩候

目偏視候

目飛血候

目黑候

目暈候

目眇候

[眇]公縣切

目眇矇候

目眇候

目眇候

目蜡候

[蜡]音卽

目肥候

目皴瘡候

目膿漏候

目封塞候

目內有丁候

針眼候

割目後除痛止血候

卷之二十九

鼻病諸候

凡十一論

鼻衄候

鼻衄不止候

鼻大衄候

鼻久衄候

鼻鼈候

鼻生瘡候

鼻息肉候

鼻塞塞氣息不通候

鼻涕候

鼻痛候

食諸物誤落鼻內候

耳病諸候

凡九論

耳聾候

耳風聾候

勞重聾候

久聾候

耳鳴候

聾耳候

耳疼痛候

耳聾聾候

耳瘡候

牙齒病諸候

凡二十一論

牙齒痛候

牙痛候

齒痛候

風齒候

齒斷腫候

齒間血出候

牙齒蟲候

牙蟲候

齒蟲候

齒齲注候

齒匿候

齒挺候

齒動搖候

齒落不生候

齒音離候

牙齒歷蠹候

齒漏候

齒斷候

拔齒損候

斷齒候

齒黃黑候

卷之三十

脣口病諸候

凡十七論

口舌瘡候

緊脣候

脣瘡候

脣生核候

口吻瘡候

脣口面皴候

兔缺候

口臭候

口舌乾焦候

舌腫強候

審吃候

重舌候

懸癰候

咽喉垂倒候

失欠頷車蹉候

數欠候

失枕候

咽喉心胃病諸候

凡十一論

喉痺候

馬喉痺候

喉中生穀賊不通候

狗咽候

咽喉瘡候

尸咽候

喉咽腫痛候

喉癰候

咽喉不利候

心痺候

胃痺候

四肢病諸候

凡十四論

代指候

手足發脈候

手足逆臚候

肉刺候

肉裂候

手足蟬裂候

蟬音軍

尸脚候

足腫候

五指筋攣不得屈伸候

四肢痛無常處候

脚跟頽候

脚中忽有物牢如石如刀錐所刺候

土落脚指內候 脚破候

卷之三十一

癭瘤等病諸候 凡十五論

癭候

瘤候

濕候

黑志候

赤疵候

白癬候

癰瘍候

疔目候

鼠乳候

多忘候

嗜眠候

鼯眠候

體臭候

狐臭候

漏掖候

丹毒病諸候

凡十三論

丹候

白丹候

黑丹候

赤丹候

丹軫候

室火丹候

天竈火丹候

廢竈火丹候

尿竈火丹候

燹火丹候

癘火丹候

螢火丹候

石火丹候

腫病諸候

凡十七論

諸腫候

風腫候

卒風腫候

風毒腫候

毒腫候

毒腫入腹候

惡核腫候

腫核候

氣腫候

氣痛候

惡脉候

惡肉候

腫有膿使潰候

腫潰後候

遊腫候

目遊腫候

流腫候

丁瘡病諸候

凡十三論

丁瘡候

雄丁瘡候

雌丁瘡候

紫色火赤丁瘡候

半丁瘡候

魚臍丁瘡候

赤根丁瘡候

犯丁瘡候

丁瘡腫候

犯丁瘡腫候

丁腫候

丁瘡久不瘥候

犯丁腫候

卷之三十二

癰疽病諸候上 凡十六論

癰候

癰有膿候

癰潰後候

石癰候

附骨癰腫候

癰虛熱候

癰煩渴候

發癰欬嗽候

癰下利候

發癰大小便不通候

發癰內虛心驚候

癰腫久愈汁不絕候

癰瘡後重發候 久癰候

疽候 疽潰後候

卷之三十三

癰疽病諸候下 凡二十九論

緩疽候 燥疽候

疽發口齒候 行疽候

風疽候 石疽候

禽疽候 杼疽候

水疽候 肘疽候

附骨疽候

久疽候

疽虛熱候

疽大小便不通候

癰發背候

癰發背潰後候

癰發背後下利候

癰發背渴候

癰發背兼嗽候

癰發背大便不通候

癰發背惡肉不盡候

疽發背候

疽發背潰後候

疽發背熱渴候

腸癰候

內癰候

肺癰候

脇病候

瘞癩候

卷之三十四

瘦病諸候

凡三十五論

諸瘦候

鼠瘦候

蜂瘦候

蟻瘦候

蚰蝓瘦候

蠅瘦候

蠓蝓瘦候

蟻蝓瘦候

鴟鳥鶴瘦候

尸瘦候

風瘦候

鞠瘦候

蠅蝓瘦候

骨疽瘦候

蚯蚓瘦候

花瘦候

蝎瘦候

蚝瘦候

腦瘦候

癰瘦候

橄瘦候

蟲瘦候

石瘦候

蛙瘦候

蝦蟇瘦候

蛇瘦候

螿蟴瘦候

赤白瘦候

内瘦候

雀瘦候

膿瘦候

冷瘦候

久瘦候

癩瘰瘦候

瘡癩候

痔病諸候

凡六論

諸痔候

牡痔候

牝痔候

脉痔候

腸痔候

血痔候

卷之三十五

瘡病諸候

凡六十五論

頭面身體諸瘡候

頭面身體諸久瘡候

諸惡瘡候

久惡瘡候

癩瘡候

燥癩瘡候

濕癩瘡候

久癩瘡候

癬候

乾癬候

濕癬候

風癬候

白癬候

牛癬候

圓癬候

狗癬候

雀眼癬候

刀癬候

久癬候

疥候

乾疥候

濕疥候

熱瘡候

冷瘡候

疽瘡候

甲疽候

查疽候

頑疽候

棧疽候

月食瘡候

天上病候

甜瘡候

浸淫瘡候

反花瘡候

瘡建候

玉爛瘡候

王音聖

白頭瘡候

無名瘡候

猪灰瘡候

不痛瘡候

鴈瘡候

蜂窠瘡候

斷咽瘡候

毒瘡候

狐毒瘡候

晦瘡候

集瘡候

屋食瘡候

烏啄瘡候

攝領瘡候

鷄督瘡候

斷耳瘡候

新婦瘡候

土風瘡候

逸風瘡候

飢帶瘡候

兔齧瘡候

血瘡候

瘡中風寒水候

露敗瘡候

瘡惡內候

瘡遶復發候

榛瘡候

凍爛腫瘡候

夏日沸爛瘡候

傷瘡病諸候

凡四論

湯火瘡候

灸瘡急腫痛候

灸瘡久不瘥候

針灸瘡發洪候

糸之三十六

獸毒病諸候

凡四論

馬嚙踰人候

馬毒入瘡候

獬狗嚙候

狗嚙重發候

蛇毒病諸候

凡五論

蛇螫候

蝮蛇螫候

虺螫候

青蛙蛇螫候

蝮毒候

雜毒病諸候

凡十四論

蜂螫候

蠍螫候

薑螫候

蜈蚣螫候

蜈蚣著人候

石蛭螫人候

蠶齧候

甘鼠齧候

諸魚傷人候

惡蠅齧候 蠅房中切

狐尿刺候

蚝蟲螫候

蠟螫尿候

入井塚墓毒氣候

金瘡病諸候

凡二十三論

金瘡初傷候

金瘡血不止候

金瘡肉漏候

毒箭所傷候

金瘡腸出候

金瘡腸斷候

金瘡筋急相引痛不得屈伸候

金瘡傷筋斷骨候

箭鏃金刃入肉骨不出候

金瘡中風瘓候 金瘡驚腫候

金瘡因交接血出驚候

金瘡驚悸候

金瘡煩候

金瘡效候

金瘡渴候

金瘡蟲出候

金瘡著風候

金瘡著風腫候

金瘡成癰腫候

金瘡中風水候

金瘡下血虛竭候

金瘡久不瘥候

腕傷病諸候

凡九論

被打頭破腦出候

腕折破骨傷筋候

卒被損瘀血候

壓迫墜墮內損候

匯膏膏

腕傷初繫縛候
被損久瘀血候

腕折中風痙候
腕折中風腫候

刺傷中風水候

卷之三十七

婦人雜病諸候
凡三十二論

風虛勞冷候
風邪驚悸候

虛汗候
中風候

中風口噤候
角弓反張候

偏風口喎候
賊風偏枯候

風眩候
風癱狂候

風瘙痒候

風蠱候

癩候

氣候

心痛候

心腹痛候

腹中痛候

小腹痛候

月水不調候

月水不利候

月水來腹痛候

月水不斷候

月水不通候

帶下候

帶五色俱下候

帶下青候

帶下黃候

帶下赤候

帶下白候

帶下黑候

帶下月水不利候

帶下月水不通候

卷之三十八

婦人雜病諸候二

凡十九論

漏下候

漏五色俱下候

漏下青候

漏下黃候

漏下赤候

漏下白候

漏下黑候

崩中候

白崩候

崩中五色俱下候

崩中漏下候

崩中漏下五色候

積聚候

癖病候

疝瘕候

癥痞候

八瘕候

帶下三十六疾候

無子候

卷之三十九

婦人雜病諸候三
凡四十論

月水不利無子候

月水不通無子候

子臟冷無子候
帶下無子候

結積無子候
數失子候

腹滿少氣候

胃脘脹滿候

客熱候

煩滿候

身體卒痛候

左脅痛如刀刺候

痰候

嗽候

咽中如炙肉齶候

喉痛候

癭候

吐血候

口舌出血候

汗血候

金瘡敗壞候

耳聾候

耳聾風腫候

眼赤候

風眩鼻塞候

鼻衄候

面黑肝候

面黑子候

蛇皮候

手逆臚候

白禿候

耳後附骨癰候

腫滿水氣候

血分候

卒腫候

赤流腫候

瘀血候

傷寒候

時氣候

瘡候

卷之四十

婦人雜病諸候四

凡五十論

霍亂候

嘔吐候

雙子小兒注車船候

與鬼交通候

夢與鬼交通候

脚氣痿弱候

脚氣腫滿候

淋候

石淋候

胞轉候

小便不利候

小便不通候

大便不通候

夫小便不利候

大小便不通候

遺尿候

小便數候

下利候

帶利候

血利候

陰痒候

脫肛候

陰腫候

陰痛候

陰瘡候

陰挺出下脫候

陰冷候

陰中生息肉候

癩候

痔病候

寸白候

陰臭候

尿血候

大便血候

失精候

乳腫候

妒乳候

乳癰候

發乳潰後候

乳瘡候

疽發乳候

乳結核候

乳石癰候

發背候

改訾候

發乳後渴候

發乳下利候

發乳久不瘥候

發乳餘核不消候

發乳癭候

卷之四十一

婦人妊娠病諸候上

凡二十論

妊娠候

妊娠惡阻候

妊娠轉女為男候

妊娠養胎候

妊娠禁忌候

胎間水氣子滿體腫候

妊娠漏胎候

妊娠胎動候

妊娠僵仆胎上搶心下血候

妊娠胎死腹中候

妊娠腹痛候

妊娠心痛候

妊娠心腹痛候

妊娠腰痛候

妊娠腰腹痛候

妊娠小腹痛候

妊娠卒下血候

妊娠吐血候

妊娠尿血候

妊娠數墮胎候

卷之四十二

婦人妊娠病諸候下

凡四十一論

妊娠傷寒候

妊娠傷寒後復候

妊娠時氣候

妊娠溫病候

妊娠熱病候

妊娠寒熱候

妊娠瘧候

妊娠下利候

妊娠滯利候

妊娠胃脅支滿候

妊娠痰候

妊娠子煩候

妊娠霍亂候

妊娠中惡候

妊娠腹滿候

妊娠欬嗽候

妊娠胃痺候

妊娠喉咽身體著毒腫候

妊娠中蠱毒候

妊娠飛尸入腹候

妊娠子淋候

妊娠大小便不通候

妊娠大便不通候

妊娠大小便不利候

妊娠小便利候

妊娠小便數候

妊娠小便不利候

妊娠小便不通候

妊娠驚胎候

妊娠中風候

妊娠瘕候

妊娠鬼胎候

一
病源目錄
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

妊娠兩胎一生一死候

妊娠胎痿燥候 妊娠過年久不產候

妊娠墮胎後血出不止候

妊娠墮胎後血不出候

妊娠墮胎衣不出候

妊娠墮胎後腹痛虛乏候

妊娠墮胎後著風候

妊娠欲去胎候

卷之四十三

婦人將產病證候 凡三論

產法

產防運法

產胞衣不出候

婦人難產病諸候

凡七論

產難候

橫產候

逆產候

產子上逼心候

產子但趨後孔候

產已死而子不出候

產難子死腹中候

婦人產後病諸候上凡三十論

產後血運悶候

產後血露不盡候

産後惡露不盡腹痛候

産後血上搶心痛候

半産候

産後血瘀痛候

産後風虛腫候

産後腹中痛候

産後心腹痛候

産後心痛候

産後小腹痛候

産後腰痛候

産後兩脅腹滿痛候

産後虛煩短氣候

産後上氣候

産後心虛候

産後虛煩候

産後虛熱候

產後虛羸候

產後風冷虛勞候

產後汗出不止候

產後汗血候

產後虛渴候

產後餘疾候

產後中風候

產後中風口噤候

產後中風瘓候

產後中柔風候

產後中風不隨候

產後風虛癩狂候

卷之四十四

婦人產後病諸候下

凡四十一論

產後月水不利候

產後月水不調候

產後月水不通候

產後帶下候

產後崩中惡露不盡候

產後利候

產後利腫候

產後虛冷洞利候

產後滯利候

產後冷熱利候

產後客熱利候

產後赤利候

產後陰下脫候

產後陰道痛腫候

產後陰道開候

產後遺尿候

產後淋候

產後渴利候

產後小便數候

產後尿血候

產後大小便血候

產後大小便不通候

產後大便不通候

產後小便不通候

產後小便難候

產後嘔候

產後欬嗽候

產後時氣熱病候

產後傷寒候

產後寒熱候

產後癰候

產後積聚候

產後癥候

產後癖候

產後內極七病候

產後目瞑候

產後耳聾候

產後虛熱口生瘡候

產後身生瘡候

產後乳無汁候

產後乳汁溢候

卷之四十五

小兒雜病諸候一

凡二十九論

養小兒候

變蒸候

溫壯候

壯熱候

驚候

欲發癩候

癩候

發癩瘡後身體頭面悉腫滿候

發癩瘡後六七歲不能語候

驚癩候

風癩候

發癩瘡後更發候

傷寒候

傷寒解肌發汗候

傷寒挾實壯熱候

傷寒兼驚候

傷寒大小便不通候

傷寒腹滿候

傷寒喉咽痛候

傷寒嗽候

傷寒後嗽候

傷寒汗出候

傷寒餘熱往來候

傷寒已得下後熱不除候

傷寒嘔候

傷寒熱渴候

傷寒口内生瘡候

傷寒鼻衄候

傷寒後下痢候

卷之四十六

小兒雜病諸候二

凡三十四論

時氣病候

天行病發黃候

時氣腹滿候

時氣病結熱候

敗時氣病候
時氣病兼瘧候

時氣病吐下後猶熱候

時氣病久不嗜食面青候

時氣病發復候
溫病候

溫病下利候
溫病鼻衄候

溫病胃結候
患斑毒病候

黃病候
黃疸病候

胎疽候
瘧病候

瘧後餘熱候
患瘧後膈內結硬候

瘧後內熱渴引飲候

寒熱往來候
寒熱往來五臟煩滿候

寒熱往來腹痛候

寒熱結實候
寒熱往來食不消候

寒熱往來能食不生肌肉候

胃中有熱候
熱煩候

熱渴候

中客忤候
為鬼所持候

卒死候
中惡候

卷之四十七

小兒雜病諸候三
凡四十五論

注候

尸注候

蠱注候

陰腫候

腹脹候

霍亂候

吐利候

服湯中毒毒氣吐下候

嘔吐逆候

噦候

吐血候

難乳候

吐衄候

日病候

頭身喜汗出候

盜汗候

痰候

胃膈有寒候

癥瘕癖結候

痞結候

宿食不消候

傷飽候

食不知飽候

嘔露候

大腹丁奚候

洞泄下利候

利後虛羸候

赤白滯下候

赤利候

熱利候

冷利候

冷熱利候

卒利候

久利候

重下利候

利如膏血候

蠱毒利候

利兼渴候

被魅候

驚啼候

夜啼候

軀啼候

胎寒候

腹痛候

心腹痛候

卷之四十八

小兒雜病諸候四

凡四十六論

解顛候

白填候

凶陷候

重舌候

滯頤候

中風候

中風四肢拘攣候

中風不隨候
白虎候

卒失音不能語候

中風口噤候

中風口喎邪僻候

中風瘓候

羸瘦候

虛羸候

嗽候

欬逆候

病氣候

腫滿候

毒腫候

耳聾候

耳鳴候

耳中風掣痛候

聾耳候

目赤痛候

眼障翳候

目盲候

雀目候

緣目生瘡候

鼻衄候

蟹鼻候

鼯鼻候

鼻塞候

喉痺候

馬痺候

齒不生候

齒痛風齩候

齒根血出候

數歲不能行候

鶴節候

頭髮黃候

頭髮不生候

昏塞候

落床損痰候

唇青候

無辜病候

卷之四十九

小兒雜病諸候五

凡五十論

丹候

五色丹候

赤黑丹候

白丹候

丹火候

天火丹候

伊火丹候

燦火丹候

骨火丹候

厲火丹候

火丹候

飛火丹候

遊火丹候

殃火丹候

尿竈火丹候

風火丹候

暴火丹候

留火丹候

朱田火丹候

鬱火丹候

神火丹候

天竈火丹候

鬼火丹候

石火丹候

野火丹候

茱萸火丹候

冢火丹候

廢竈火丹候

螢火丹候

赤丹候

風瘙隱疹候

卒腹皮青黑候

藍注候

身有赤處候

赤遊腫候

大便不通候

大小便不利候

大小便血候

尿血候

痔候

小便不通利候

大小便數候

諸淋候

石淋候

氣淋候

熱淋候

血淋候

寒淋候

小便數候

遺尿候

卷之五十

小兒雜病諸候六

凡五十一論

三蟲候

虻蟲候

蟻蟲候

寸白蟲候

脫肛候

病癩候

差癩候

狐臭候

四五歲不能語候

氣瘦候

胃脅滿痛候

服湯藥中毒候

蠛蠓毒繞腰痛候

疣目候

頭瘡候

頭多蝨生瘡候

白禿候

頭面身體諸瘡候

惡瘡候

標瘡候

癰癤候

惡核候

榛瘡候

癰瘡候

腸癰候

瘡候

疽候

疽瘡候

癩候

癩候

疥候

癬候

赤疵候

臍瘡候

蟲胞候

口瘡候

鷺口候

燕口生瘡候

口下黃肥瘡候

舌上瘡候

舌腫候

噤候

凍爛瘡候

金瘡候

卒驚瘡候

月食瘡候

耳瘡候

浸淫瘡候

主灼惡瘡候

疔濕瘡候

陰腫成瘡候

巢氏諸病源候總論卷之目錄終

嘉慶戊辰冬吳

門經義齊重雕

巢氏諸病源候總論卷之十三

氣病諸候

凡二十五論

上氣候

夫百病皆生於氣故怒則氣上喜則氣緩悲則氣
消恐則氣下寒則氣收聚熱則腠理開而氣泄憂
則氣亂勞則氣耗思則氣結九氣不同怒則氣逆
甚則嘔血及食而氣逆上也喜則氣和榮衛行通
利故氣緩焉悲則心系急肺布葉舉使上焦不通
榮衛不散熱氣在內故氣消也恐則精却精却則
上焦閉閉則氣還還則下焦脹故氣不行寒則經

絡埃澀故氣收聚也熱則腠理開竅榮衛通故汗
大泄也憂則心無所寄神無所歸慮無所定故氣
亂矣勞則喘且汗外內逆故氣耗矣思則身心有
所止氣留不行故氣結矣診寸口脉伏胸中逆氣
是諸氣上衝胸中故上氣面肘腫臍息其脉浮大
不治上氣脉躁而喘者屬肺肺脹欲作風水發汗
愈脉洪則爲氣其脉虛寧伏匿者生牢强者死喘
息低仰其脉滑手足溫者生也濇而四末寒者死
也數者死也謂其形損故

養生方云飲水勿急咽久成氣病其湯熨針石別

有正方補養宣導今附於後

養生方導引法云兩手向後合手拓腰向上急勢
振搖臂肘來去七始得手不移直向上向下盡勢
來去二七去脊心肺氣壅悶散消正坐並膝頭足
初坐先足指相對足跟外扒坐止少欲安穩須兩
足跟向內相對坐足指外扒覺悶痛漸漸舉身似
欵便坐足上待共內坐相似不痛始雙豎脚跟向
上坐上足指並反向外每坐常覺去膀胱內冷膝
風冷足疼上氣腰痛盡自消適也

又云兩足兩指相向五息正引心肺去厥逆上氣

極用力令兩足相向意止引肺中氣出病人行肺
內外展轉屈伸隨無有違逆

卒上氣候

肺主於氣若肺氣虛實不調或暴爲風邪所乘則
府藏不利經絡否澀氣不宣和則上氣也又因有
所怒則氣卒逆上甚則變嘔血氣血俱傷其湯熨
針石別有正方補養宣導今附於後

養生方導引法云兩手交叉頤下自極致補氣治
暴氣咳以兩手交頤下各把兩頤脉以頤句交中
急牽來著喉骨自極三通致補氣充足治暴氣上

氣寫喉等病令氣調長音聲弘亮

上氣鳴息候

肺主於氣邪乘於肺則肺脹脹則肺管不利不利則氣道澀故氣上喘逆鳴息不通診其肺脉滑甚爲息奔上氣脉出魚際者主喘息其脉滑者生駛者死也

上氣喉中如水雞鳴候

肺病令人上氣兼胸鬲痰滿氣行壅滯喘息不調致咽喉有聲如水雞之鳴也

奔氣候

夫氣血循行於經絡周而復始皆有常度肺爲五藏上蓋主通行於府藏之氣若肺受邪則氣道不利氣道不利則諸藏氣壅則失度故氣奔急也

賁豚氣候

夫賁豚氣者腎之積氣起於驚恐憂思所生若驚恐則傷神心藏神也憂思則傷志腎藏志也神志傷動氣積於腎而氣下上遊走如豚之奔故曰賁豚其氣乘心若心中踴踴如事所驚如人所恐五藏不定食飲輒嘔氣滿胸中狂痴不定妄言妄見此驚恐奔豚之狀若氣滿支心心下悶亂不欲聞

人聲休作有時乍瘥乍極吸吸短氣手足厥逆內
煩結痛温温欲嘔此憂思賁豚之狀診其脉來觸
祝觸祝者病賁豚也腎脉微急沈厥賁豚其足不
收不得前後

上氣嘔吐候

肺主於氣肺爲邪所乘則上氣此爲鬲內有熱胃
間有寒寒從胃上乘於肺與鬲內熱相搏故乍寒
乍熱而上氣上氣動於胃胃氣逆故嘔吐也

上氣腫候

肺主於氣候身之皮毛而氣之行循環藏府流通

經絡若外爲邪所乘則膚腠閉密使氣內壅與津液相并不得泄越故上氣而身腫也

結氣候

結氣病者憂思所生也心有所存神有所止氣留而不行故結於內

養生方云哭泣悲來新哭訖不用卽食久成氣病其湯熨針石別有正方補養宣導今附於後

養生方導引法云坐生腰舉左手仰其掌却右臂覆右手以鼻內氣自極七息息間稍頓右手除兩臂背痛結氣

又云端坐生腰舉左手仰掌以右手承右脇以鼻
內氣自極七息除結氣

又云兩手拓肘頭柱席努肚上極勢待大悶始下
來去上下五七去脊背體內疼骨節急強肚腸宿
氣行忌太飽不得用肚編也

冷氣候

夫藏氣虛則内生寒也氣常行府藏府藏受寒冷
卽氣爲寒冷所并故爲冷氣其狀或腹脹或腹痛
甚則氣逆上而面青手足冷

七氣候

七氣者寒氣熱氣怒氣恚氣憂氣喜氣愁氣凡七
氣積聚牢大如杯若拌在心下腹中疾痛欲死飲
食不能時來時去每發欲死如有禍狀此皆七氣
所生寒氣則嘔吐惡心熱氣則說物不章言而遑
怒氣則上氣不可忍熱上搶心短氣欲死不得氣
息也恚氣則積聚在心下不可飲食憂氣則不可
極作暮臥不安席喜氣卽不可疾行不能久立愁
氣則喜妄不識人置物四方還取不得去處若聞
急卽手足筋攣不舉

九氣候

九氣者謂怒喜悲恐寒熱憂勞思因此九事而傷動於氣一曰怒則氣逆甚則嘔血及食而氣逆也二曰喜則其氣緩榮衛通利故氣緩三曰悲則氣消悲則使心系急肺布葉舉使上焦不通熱氣在內故氣消也四曰恐則氣下恐則精却精却則上焦閉閉則氣還氣還則下焦脹故氣不行五曰寒則氣收聚寒使經絡涖澁使氣不宣散故也六曰熱則腠理開腠理開則榮衛通汗大泄七曰憂則氣亂氣亂則心無所寄神無所歸慮無所定故氣亂八曰勞則氣耗氣耗則喘且汗外內皆越故氣

病源卷之三
六
耗也九曰思則氣結氣結則心有所止故氣留而
不行衆方說此九氣互有不同但氣上之由有九
故名爲九氣類也

短氣候

平人無寒熱短氣不足以息者體實實則氣盛盛
則氣逆不通故短氣又肺虛則氣少不足亦令短
氣則其人氣微常如少氣不足以呼吸診其脉尺
寸俱微血氣不足其人短氣寸口脉沈胸中短氣
脉前小後大則爲胸滿短氣脉洪大者亦短氣也

五鬲氣候

五鬲氣者謂憂鬲恚鬲氣鬲寒鬲熱鬲也憂鬲之
病胸中氣結煩悶津液不通飲食不下羸瘦不爲
氣力恚鬲之爲病心下苦實滿噫輒酢心食不消
心下積結牢在胃中大小便不利氣鬲之爲病胸
膈逆滿咽塞胸鬲不通噫聞食臭寒鬲之爲病心
腹脹滿咳逆腹上苦冷雷鳴繞臍痛食不消不能
食肥熱鬲之爲病藏有熱氣五心中熱口中爛生
瘡骨煩四支重唇口乾燥身體頭面手足或熱腰
背皆疼痛胸痺引背食不消不能多食羸瘦少氣
及癖也此是方家所說五鬲形證也經云陽脉結

謂之高言憂恚寒熱動氣傷神而氣之與神並爲陽也傷動陽氣致陰陽不和而府藏生病結於胸高之間故稱爲高氣衆方說五高互有不同但傷動之由有五故云五高氣

逆氣候

夫逆氣者因怒則氣逆甚則嘔血及食而氣逆上人有逆氣不得臥而息有音者有起居如故而息有音者有得臥行而喘者有不能臥不能行而喘者有不能臥臥而喘者皆有所起其不得臥而息有音者是陽明之逆足三陽者下行今逆而上行

故息有音陽明者爲胃脉也胃者六府之海其氣亦下行陽明逆氣不得從故不得臥夫胃不和則臥不安此之謂也夫起居有如故而息有音者此肺之絡逆絡脉之氣不得隨經上下故留經而不行此絡脉之疾人起居如故而息有音不得臥臥則喘者是水氣之客夫水者循津液而流也腎者水藏主津液津液主臥而喘診其脉跌陽脉太過則令人逆氣背痛温温然寸口脉伏背中有逆氣關上脉細其人逆氣腹痛脹滿其湯熨針石別有正方補養宣導今附於後

養生方導引法云以左足踵拘右足拇指鼻內氣自極七息除癖逆氣

厥逆氣候

厥者逆也謂陰氣乘於陽陰氣居於下陽氣處於上陽虛則陰實實則陰盛陰盛則上乘於陽衛氣爲之厥逆失於常度故寒從背起手足冷逆陰盛故也

少氣候

此由藏氣不足故也肺主於氣而通呼吸藏氣不足則呼吸微弱而少氣胸痛少氣者水在藏府水

者陰氣陰氣在內故少氣診右手寸口脉陰實者
肺實也若少氣胸內滿彭彭與搏相引脉來濡者
虛少氣也左手關上脉陰陽俱虛者足厥陰少陽
俱虛也病苦少氣不能言右手關上脉陰陽俱虛
者足太陰陽明俱虛也病苦胃中如空狀少氣不
足以息四逆寒脉弱者少氣皮膚寒脉少者少氣
也

遊氣候

夫五藏不調則三焦氣滿滿則氣遊於內不能宣
散故其病但煩滿虛脹

胸脇支滿候

肺之積氣在於右脇肝之積氣在於左脇二藏虛實不和氣蓄於內故胸脇支滿春脉不及令人胸痛引背下則兩脇脹滿寸口脉滑爲陽實胸中逆滿也

上氣胸脇支滿候

寒冷在內與藏府相搏積於脇下冷乘於氣氣則逆上衝於胸脇故上氣而胸脇支滿

久寒胸脇支滿候

陰氣積於內久而不已則生寒寒氣與藏氣相搏

衝於胸脇故支滿

乏氣候

夫虛極之人榮衛減耗府藏虛弱氣行不足所以
呼吸氣短也

走馬奔走及人走乏飲水得上氣候

夫走馬及人走則大動於氣氣逆於胸內未得宣
散而又飲水水搏於氣故有上氣

食熱餅觸熱飲水發氣候

夫食熱皆觸動肺氣則熱聚肺間熱氣未歇而飲
冷水水入於肺冷熱相搏氣聚不宣爲冷所乘故

合發氣

氣分候

夫氣分者由水飲搏於氣結聚所成氣之流行常無壅滯若有停積水飲搏於氣則氣分結而住故云氣分

脚氣病諸候

凡八論

脚氣緩弱候

凡脚氣病皆由感風毒所致得此病多不即覺或先無他疾而忽得之或因衆病後得之初甚微飲食嬉戲氣力如故當熟察之其狀自膝至脚有不

仁或若痺或淫淫如蟲所緣或脚指及膝脛酒酒
爾或脚屈弱不能行或微腫或酷冷或痛疼或緩
縱不隨或攣急或至困能飲食者或有不能者或
見飲食而嘔吐惡聞食臭或有物如指發於臍腸
逕上衝心氣上者或舉體轉筋或壯熱頭痛或胸
心衝悸寢處不欲見明或腹內苦痛而兼下者或
言語錯亂有善忘誤者或眼濁精神昏憤者此皆
病之證也若治之緩便上入腹入腹或腫或不腫
胸脇滿氣上便殺人急者不全日緩者或一二三
月初得此病便宜速治之不同常病既入藏其

脉有三品內外證候相似但脉異耳若病人脉得浮大及緩宜服續命湯兩劑若風盛宜作越婢湯加朮四兩若脉轉駛而緊宜服竹瀝湯脉微而弱宜服風引湯二三劑此皆多是因虛而得若大虛乏氣短可以間作補湯隨病體之冷熱而用若未愈更作竹瀝湯若病人脉浮大而緊駛此是三品之最惡脉脉或沉細而駛者此脉正與浮大緊者同是惡脉浮大者病在外沉細者病在內治亦不異常消息以意耳其形或尚可而手脚未及至弱數日之內上氣便死如此之脉急服竹瀝湯日一

劑湯勢恒令相及勿令半日之內無湯也若服竹
瀝湯得下者必佳竹汁多服之皆須熱服不熱停
在胸鬲更爲人患若已服數劑病及脉勢未折而
若脹滿者可以大鯨甲湯下之湯勢盡而不得佳
下可以丸藥助令得下下後更服竹瀝湯趣令脉
勢折氣息料理乃佳江東嶺南土地卑下風濕之
地易傷於人初得此病多從下上所以脚先屈弱
然後毒氣循經絡漸入府藏府藏受邪氣便喘滿
以其病從脚起故名脚氣其湯熨針石別有正方
補養宣導今附於後

養生方導引法云坐兩足長舒自縱身內氣向下使心內柔和適散然後屈一足安膝下努長舒一足仰取指向上便急仰眠頭不至席兩手急努向前頭向上努挽一時各各取勢來去二七遞互亦然去腰疼腰膊冷血冷風痺日日漸損

又云覆臥傍視內踵生腰以鼻內氣自極七息除脚中弦痛轉筋脚酸疼脚痺弱

又云舒兩足坐散氣向湧泉可三通氣徹倒始收右足屈捲將兩手急捉脚湧泉挽足踏手挽一時取勢手足用力逆氣向下三七不失氣數尋去腎

內冷氣膝冷脚疼也

又云一足屈之足指仰復急一足安膝頭心散心
兩足跟出氣向下一手拓膝頭向下急捺一手向
後拓席一時極勢左右亦然二七去膝髀疼急

又云一足踏地一足向後將足解谿安踞上急努
兩手偏相向後側身如轉極勢二七左右亦然去
足疼痛痺急腰痛也

脚氣上氣候

此由風濕毒氣初從脚上後轉入腹而乘於氣故
上氣也

脚氣痺弱候

此由血氣虛弱若受風寒濕毒與血并行膚腠邪氣盛正氣少故血氣澀澀則痺虛故令痺弱也

脚氣疼不仁候

此由風濕毒氣與血氣相搏正氣與邪氣交擊而正氣不宣散故疼痛邪在膚腠血氣則澀澀則皮膚厚搔之如隔衣不覺知是名爲不仁也

脚氣痺攣候

脚氣之病有挾風毒風毒則搏於筋筋爲攣風濕乘於血氣故令痺攣也

脚氣心腹脹急候

此由風濕毒氣從脚上入於內與藏氣相搏結聚不散故心腹脹急也

脚氣腫滿候

此由風濕毒氣搏於腎經腎主於水今爲邪所搏則腎氣不能宣通水液水液不傳於小腸致壅溢府藏府藏既浸漬於皮膚之間故腫滿也

脚氣風經五藏驚悸候

夫溫濕成脚氣而挾風毒毒少風多則風證偏見風邪之來初客膚腠後經府藏藏虛乘虛而入經

遊五藏與神氣相搏神氣爲邪所乘則心驚悸也

諸病源候總論卷之十三終

巢氏諸病源候總論卷之十四

欬嗽病諸候

凡十五論

欬嗽候

欬嗽者肺感於寒微者則成欬嗽也肺主氣合於皮毛邪之初傷先客皮毛故肺先受之五藏與六府爲表裏皆稟氣於肺以四時更王五藏六府皆有欬嗽各以其時感於寒而受病故以欬嗽形證不同五藏之咳者乘秋則肺先受之肺咳之狀咳而喘息有音聲甚則唾血乘夏則心受之心欬之狀咳則心痛喉中喝喝如梗甚則咽腫喉痺乘春

則肝受之肝咳之狀咳則兩脇下痛甚則不可以
轉轉則兩胠下滿乘季夏則脾受之脾咳之狀咳
則右脇下痛陰陰引於臍背甚則不可動動則咳
劇乘冬則腎受之腎咳之狀咳則腰背相引而痛
甚則咳逆此五藏之咳也五藏咳久不已傳與六
府脾咳不已則胃受之胃咳之狀咳而嘔嘔甚則
長蟲出肝咳不已則膽受之膽欬之狀咳嘔膽汁
肺咳不已大腸受之大腸欬之狀咳而遺屎心咳
不已則小腸受之小腸欬之狀咳而失氣氣與咳
俱失腎咳不已膀胱受之膀胱欬之狀咳而遺尿

久咳不已三焦受之三焦咳之狀咳而腹滿不欲
食飲此皆聚於胃關於肺使人多涕唾而面浮腫
逆氣也又有十種欬一曰風欬語因咳言不得竟
是也二曰寒咳飲冷食寒入注胃從肺脈上氣內
外合因之而咳是也三曰支咳心下鞞滿咳則引
痛其脈反遲是也四曰肝咳咳而引脇下痛是也
五曰心咳咳而唾血引手少陰是也六曰脾咳咳
而涎出續續不止引少腹是也七曰肺咳咳而引
頸項而唾涎沫是也八曰腎咳咳則耳聾無所聞
引腰臍中是也九曰膽咳咳而引頭痛口苦是也

十日厥陰咳而引舌本是也診其右手寸口名氣口以前脉手陽明經也其脉浮則爲陽陽實者病腹滿善氣喘咳微大爲肝痺咳引小腹也咳嗽脉浮喘者生小沈伏匿者死

又云脉浮直者生沈鞞者死咳且嘔腹脹且泄其脉弦弦欲絕者死咳脫形發熱脉小鞞急者死咳且羸瘦絡脉鞞大者死咳而尿血羸瘦脉大者死

久咳嗽候

肺感於寒微者卽成咳嗽久咳嗽是連滯歲月經久不瘥者死也凡五藏俱有咳嗽不已則各傳其

府諸久嗽不已三焦受之其狀欬而腹滿不欲食
飲寒氣聚於胃而關於肺使人多涕唾而變面浮
腫氣逆故也

咳嗽短氣候

肺主氣候皮毛氣虛爲微寒客皮毛入傷於肺則
不足成咳嗽夫氣得溫則宣和得寒則否澀虛則
氣不足而爲寒所迫併聚上肺間不得宣發故令
咳而短氣也

咳嗽上氣候

夫咳嗽上氣者肺氣有餘也肺感於寒微者則成

病源卷之四
三
咳嗽肺主氣氣有餘則喘咳上氣此爲邪搏於氣
氣壅不得宣發是爲有餘故咳嗽而上氣也其狀
喘咳上氣多涕唾而面目胗腫氣逆也

久咳嗽上氣候

久咳嗽上氣者是肺氣虛極風邪停滯故其病積
月累年久不瘥則胸背痛面腫甚則唾膿血

咳嗽膿血候

咳嗽膿血者損肺損心故也肺主氣心主血肺感
於寒微者則成咳嗽嗽傷於陽脉則有血血與氣
相隨而行咳嗽極甚傷血動氣俱乘於肺肺與津

液相搏蘊結成膿故咳嗽而膿血也

久咳嗽膿血候

肺感於寒微者則成咳嗽咳嗽極甚傷於經絡血液蘊結故有膿血氣血俱傷故連滯積久其血黯瘀與膿相雜而出

呷嗽候

呷嗽者猶是咳嗽也其胸膈痰飲多者嗽則氣動於痰上搏喉咽之間痰氣相擊隨嗽動息呼呷有聲謂之呷嗽其與咳嗽大體雖同至於投藥則應加消痰破飲之物以此爲異耳

病源卷之十四
四
暴氣咳嗽候

肺主於氣候皮毛人有運動勞役其氣外泄腠理則開因乘風取涼冷氣卒傷於肺卽發成嗽故爲暴氣嗽其狀嗽甚而少涎沫

咳逆候

咳逆者是咳嗽而氣逆上也氣爲陽流行府藏宣發腠理而氣肺之所主也咳病由肺虛感微寒所成寒搏於氣氣不得宣胃逆聚還肺肺則脹滿氣遂不下故爲咳逆其狀咳而胸滿而氣逆膁背痛汗出尻陰股肺踰戶庚切足皆痛其湯熨針石別

有正方補養宣導今附於後

養生方導引法云先以鼻內氣乃閉口咳還復以
鼻內氣咳則愈向晨去枕正偃臥伸臂脛瞑目閉
口無息極脹腹兩足再頃間吸腹仰兩足倍拳欲
自微息定復爲之春三夏五秋七冬九蕩滌五藏
津潤六府又云還向反望倒望不息七通治咳逆
胸中病寒熱也

久咳逆候

肺感於寒微者則成咳嗽久咳嗽者是肺極虛故
也肺既極虛氣還乘之故連年積月久不瘥夫氣

病源卷之十四
五
久逆不下則變身面皆腫滿表裏虛氣往來乘之
故也

咳嗽上氣候

肺虛感微寒而成咳咳而氣還聚於肺肺則脹是
爲咳逆也邪氣與正氣相搏正氣不得宣通但逆
上喉咽之間邪伏則氣靜邪動則氣奔上煩悶欲
絕故謂之咳逆上氣也

久咳逆上氣候

肺感於寒微者則成咳嗽久咳逆氣虛則邪乘於
氣逆奔上也肺氣虛極邪則停心時動時作故發

則氣奔逆乘心煩悶欲絕少時乃定定後復發連滯經久也

咳逆上氣嘔吐候

五藏皆稟氣於肺肺感微寒則咳嗽也寒搏於氣氣聚還肺而邪有動息邪動則氣奔逆上氣上則五藏傷動動於胃氣者則胃氣逆而嘔吐也此是肺咳連滯氣動於胃而嘔吐者也又有季夏脾王之時而脾氣虛不能王有寒氣傷之而咳嗽謂之脾咳其狀咳則右脇下痛痞痞引臍背甚則不可動動咳發脾與胃合脾咳不已則胃受之其狀咳

嗽而嘔嘔甚則長蟲出是也凡諸咳嗽甚則嘔吐
各隨證候知其府藏也

咳逆短氣候

肺虛爲微寒所傷則咳嗽嗽則氣還於肺間則肺
脹肺脹則氣逆而肺本虛氣爲不足復爲邪所乘
壅否不能宣暢故咳逆短乏氣也

淋病諸候

凡八論

諸淋候

諸淋者由腎虛而膀胱熱故也膀胱與腎爲表裏
俱主水水入小腸下於胞行於陰爲溲便也腎氣

通於陰陰津液下流之道也若飲食不節喜怒不時虛實不調則府藏不和致腎虛而膀胱熱也膀胱津液之府熱則津液內溢而流於睪水道不通水不上不下停積於胞腎虛則小便數膀胱熱則水下澀數而且澀則淋瀝不宣故謂之爲淋其狀小便出少起數小腹弦急痛引於齊

又有石淋勞淋血淋氣淋膏淋諸淋形證各隨名具說於後章而以一方治之者故謂之諸淋也其湯熨針石別有正方補養宣導今附於後

養生方導引法云偃臥令兩足布膝頭斜踵置鳩

口內氣振腹鼻出氣去淋數小便

又云蹲踞高一尺許以兩手從外屈膝內入至足
趺上急手握足五指極力一通令內曲入利腰髓
治淋

石淋候

石淋者淋而出石也腎主水水結則化爲石故腎
客沙石腎虛爲熱所乘熱則成淋其病之狀小便
則莖裏痛尿不能卒出痛引少腹膀胱裏急沙石
從小便道出甚者塞痛令悶絕其湯熨針石別有
正方補養宣導今附於後

養生方導引法云偃臥令兩足膝頭斜踵置鳩口
內氣振腹鼻出氣去石淋莖中痛

氣淋候

氣淋者腎虛膀胱熱氣脹所爲也膀胱合與腎爲
表裏膀胱熱熱氣流入於胞熱則生實令胞內氣
脹則小腹滿腎虛不能制其小便故成淋其狀膀胱
小便皆滿尿澀常有餘瀝是也亦曰氣瘞診其
少陰脉數者男子則氣淋其湯熨針石別有正方
補養宣導今附於後

養生方導引法云以兩足踵布膝除瘞

又云偃臥令兩足布膝頭取踵置尻下以口內氣
腹脹自極以鼻出氣七息除氣瘞數小便莖中痛
陰以下溼小腹痛膝不隨也

膏淋候

膏淋者淋而有肥狀似膏故謂之膏淋亦曰內淋
此腎虛不能制於肥液故與小便俱出也

勞淋候

勞淋者謂勞傷腎氣而生熱成淋也腎氣通於陰
其狀尿留莖內數起不出引小腹痛小便不利勞
倦卽發也

熱淋候

熱淋者三焦有熱氣搏於腎流入於胞而成淋也其狀小便赤澀亦有宿病淋今得熱而發者其熱甚則變尿血亦有小便後如似小豆羹汁狀者畜作有時也

血淋候

血淋者是熱淋之甚者則尿血謂之血淋心主血血之行身通遍經絡循環府藏勞甚者則散失其常經溢滲入胞而成血淋也

寒淋候

寒淋者其病狀先寒戰然後尿是也由腎氣虛弱下焦受於冷氣入胞與正氣交爭寒氣勝則戰寒而成淋正氣勝戰寒解故得小便也

小便病諸候

凡八論

小便利多候

小便利多者由膀胱虛寒胞滑故也腎爲藏膀胱腎之府也其爲表裏俱主水腎氣下通於陰府既虛寒不能溫其藏故小便白而多其至夜尿偏甚者則內陰氣生是也

小便數候

小便數者膀胱與腎俱虛而有客熱乘之故也腎與膀胱爲表裏俱主水腎氣下通於陰此二經旣虛致受於客熱虛則不能制水故令數小便熱則水行澀澀則小便不快故令數起也診其跗陽脉數胃中熱卽消穀引食大便必溲小便卽數其湯熨針石別有正方補養宜導今附於後

養生方導引法云以兩踵布膝除數尿

又云偃臥令兩足布膝頭斜踵置鳩口內氣振腹鼻出氣去小便數

小便不禁候

小便不禁者腎氣虛下焦受冷也腎主水其氣下通於陰腎虛下焦冷不能溫制其水液故小便不禁也

小便不通候

小便不通由膀胱與腎俱有熱故也腎主水膀胱爲津液之府此二經爲表裏而水行於小腸入胞者爲小便腎與膀胱旣熱熱入於胞熱氣大盛故結澀令小便不通小腹脹滿氣急甚者水氣上逆令心急腹滿乃至於死診其脈緊而滑直者不得小便也

小便難候

小便難者此是腎與膀胱熱故也此二經爲表裏俱主水水行於小腸入胞爲小便熱氣在於藏府水氣則澀其熱勢極微故但小便難也診其尺脈浮小便難尺脈濡小便難尺脈緩小便難有餘瀝也

遺尿候

遺尿者此由膀胱虛冷不能約於水故也膀胱爲足太陽腎爲足少陰二經爲表裏腎主水腎氣下通於陰小便者水液之餘也膀胱爲津液之府

既虛冷陽氣衰弱不能約於水故令遺尿也診其脈來過寸口入魚際遺尿肝脈微滑遺尿左手關上脈沈爲陰陰絕者無肝脈也若遺尿尺脈實小腹牢痛小便不禁尺中虛小便不禁腎病小便不禁脈當沈滑而反浮大其色當黑反黃此土之剋水爲逆不治其湯熨針石別有正方補養宣導今附於後

養生方導引法云蹲踞高一尺許以兩手從外屈膝至足趺上急手握足五指極力一通令內曲入利腰臆治遺尿

尿牀候

夫人有於眠睡不覺尿出者是其稟質陰氣偏盛陽氣偏虛者則膀胱腎氣俱冷不能溫制於水則小便多或不禁而遺尿膀胱足太陽也爲腎之府腎爲足少陰爲藏與膀胱合俱主水凡人之陰陽日入而陽氣盡則陰受氣至夜半陰陽大會氣交則臥睡小便者水液之餘也從膀胱入於胞爲小便夜臥則陽氣衰伏不能制於陰所以陰氣獨發水下不禁故於眠睡而不覺尿出也

胞轉候

胞轉者由是胞屈辟小便不通名爲胞轉其病狀
臍下急痛小便不通是也此病或由小便應下便
強忍之或爲寒熱所迫此二者俱合水氣還上氣
迫於胞使胞屈辟不得充張外水應入不得入內
澀應出不得出外內相壅塞故令不通此病至四
五日乃有致死者飽食食訖應小便而忍之或飽
食訖而走馬或小便急因疾走或忍尿入房亦皆
令胞轉或胞落並致死

大便病諸候

凡五論

大便難候

大便難者由五藏不調陰陽偏有虛實謂三焦不和則冷熱并結故也胃爲水穀之海水穀之精化爲榮衛其糟粕行之於大腸以出也五藏三焦旣不調和冷熱壅澀結在腸胃之間其腸胃本實而又爲冷熱之氣所結聚不宜故令大便難也

又云邪在腎亦令大便難所以爾者腎藏受邪虛而不能制小便則小便利津液枯燥腸胃乾澀故大便難又渴利之家大便亦難所以爾者爲津液枯竭致令腸胃乾燥診其左手寸口人迎以前脉手少陰經也脉沈爲陰陰實者病苦閉大便不利

腹滿四支重身熱若胃脹右手關上脉陰實者脾實也若腸中伏伏如牢狀大便難脉緊而滑直大便亦難跗陽脉微弦法當腹滿不滿者必大便難而脚痛此虛寒從上向下也其湯熨針石別有正方補養宣導今附於後

養生方導引法云偃臥直兩手捻左右脇除大便難腹痛腹中寒口內氣鼻出氣溫氣咽之數十病愈

大便不通候

大便不通者由三焦五藏不和冷熱之氣不調熱

氣偏入腸胃津液竭燥故令糟粕否結壅塞不通也其湯熨針石別有正方補養宣導今附於後養生方導引法云龜行氣伏衣被中覆口鼻頭面正臥不息九通微鼻出氣治閉塞不通

大便失禁候

大便失禁者由大腸與肛門虛冷滑故也肛門大腸之候也俱主糟粕既虛弱冷滑氣不能溫制故使失禁

關格大小便不通候

關格者大小便不通也大便秘不通謂之內關小便

不通謂之外格二便俱不通爲關格也由陰陽氣不和榮衛不通故也陰氣大盛陽氣不得榮之曰內關陽氣大盛陰氣不得榮之曰外格陰陽俱盛不得相榮曰關格關格則陰陽氣否結於腹內脹滿氣不行於大小腸故關格而大小便不通也又風邪在三焦三焦約者則小腸痛內閉大小便不通日不得前後而手足寒者爲三陰俱逆三日死也診其脉來浮牢且滑直者不得大小便也

大小便難候

大小便難者由冷熱不調大小腸有遊氣遊氣在

於腸間搏於糟粕溲便不通流故大小便難也診其尺脉滑而浮大此爲陽干於陰其人苦小腹痛滿不能尿尿卽陰中痛大便亦然其湯熨針石別有正方補養宣導今附於後

養生方導引法云正坐以兩手交背後名曰帶便愈不能大便利腹愈虛羸反久兩手着背上推上使當心許蹠坐反到九通愈不能大便利愈腹虛羸也

遊沙

好當心我期望只疑計無成不如法小

愈不論大與小期念甚久及就手青情士

兼上法事同為之玉生由手竟在知今日

自五次壽壽可各無效為

顯人兼果不取而每半時

共只取

深

深

巢氏諸病源候總論卷之十五

五臟六府病諸候凡十三論

肝病候

肝象木王於春其脉弦其神魂其候目其華在爪
其充在筋其聲呼其臭臊其味酸其液泣其色青
其藏血足厥陰其經也與膽合爲府而主表肝爲
藏而主裏肝氣盛爲血有餘則病目赤兩脇下痛
引小腹善怒氣逆則頭眩耳聾不聰頰腫是肝氣
之實也則宜瀉之肝氣不足則病目不明兩脇拘
急筋攣不得太息爪甲枯面青善悲恐如人將捕

之是肝氣之虛也則宜補之於四時病在肝愈於
夏夏不愈甚於秋秋不死待於冬起於春於日愈
在丙丁丙丁不愈加於庚辛庚辛不死待於壬癸
起於甲乙於時平旦慧下晡甚夜半靜禁當風肝
部左手關上是也平肝脈來綽綽如按琴瑟之絃
如揭長竿春以胃氣爲木春肝木王其脈弦細而
長是平脈也反得微澁而短者是肺之乘肝金之
剋木大逆十死不治反得浮大而洪者是心乘肝
子之乘母雖病當愈反得沈濡滑者是腎乘肝母
之歸子雖病當愈反得大而緩者是脾之乘肝爲

土之凌木土之畏木雖病不死肝脉來盛實而滑如循長竿曰平肝病脉來急益勁如新張弓弦曰肝死真肝脉至中外急如循刀刃頤頤然如新張弓弦色青白不澤毛折乃死

養生方云春三月此謂發陳天地俱生萬物以榮夜臥早起廣步於庭被髮緩形以使春志生生而勿殺與而勿奪賞而勿罰此春氣之應也養生之道也逆之則傷於肝夏變爲寒則奉長生者少又云肝藏病者愁憂不樂悲思嗔怒頭旋眼痛呵氣出而愈

心病候

心象火王於夏其脉如鉤而洪大其候舌其聲音
其臭焦其味苦其液汗其養血其色赤而藏神手
少陰其經也與小腸合小腸爲府而主表心爲藏
而主裏心氣盛爲神有餘則病胸內痛脇支滿脇
下痛膺背髀脾間痛兩臂內痛喜笑不休是心氣
之實也則宜瀉之心氣不足則胸腹大脇下與腰
背相引痛驚悸恍惚少顏色舌本強善憂悲是爲
心氣之虛也則宜補之於四時病在心愈於長夏
長夏不愈甚於冬冬不死待於春起於夏於日愈

在戊己戊己不愈加於壬癸壬癸不死待於甲乙
起丙丁於時日中慧夜半甚平旦靜禁溫衣熟食
心部在左手寸口是也寸口脉來累累如連珠如
循環玕曰平心夏以胃氣爲本夏心火王其脉浮
洪大而散名曰平脉也反得沈濡滑者腎之乘心
水之剋火爲大逆十死不治反得弦而長是肝乘
心毋歸子雖病當愈反得大而緩是脾乘心子之
乘毋雖病當愈反得微濇而短是肺之乘心金之
凌火爲微邪雖病不死病心脉來喘喘連屬其中
微曲曰心病死心脉前曲後倨如操帶鈞曰心死

真心脉至牢而搏如循薏苡累累然其色赤黑不
澤毛折乃死

養生方云夏三月此謂蕃莠天地氣交萬物英實
夜臥早起無厭於日使志無怒使華英成秀使氣
得志若所愛在外此夏氣之應養長之道也逆之
則傷心秋爲痲瘧其湯熨針石別有正方補養宣
導今附於後

養生方導引法云心藏病者體有冷熱若冷呼氣
入若熱吹氣出

又云左臥口內氣鼻出之除心下不便也

脾病候

脾象土王於長夏其脉緩其候口其聲歌其臭香
其味甘其液涎其養形肉其色黃而藏意足太陰
其經也與胃合胃爲府主表脾爲藏主裏脾氣盛
爲形有餘則病腹脹溲不利身重苦飢足痿不收
行善癩脚下痛是爲脾氣之實也則宜寫之脾氣
不足則四支不用後泄食不化嘔逆腹脹腸鳴是
爲脾氣之虛也則宜補之於四時病在脾愈在秋
秋不愈甚於春春不死待於長夏於日愈於庚辛
庚辛不愈加於甲乙甲乙不死待於丙丁起於戊

已於時日昃慧平旦甚下哺靜脾欲緩急食甘以
緩之用苦以寫之甘以補之禁溫食飽食濕地濡
衣脾部在右手關上是也六月脾土王其脉大阿
阿而緩名曰平脉也長夏以胃氣爲本反得弦而
急是肝之乘脾木之乘土爲大逆十死不治反得
微濇而短是肺之乘脾子之剋母不治自愈反得
浮而洪者是心乘脾母之歸子當瘥不死反得沈
濡而滑者是腎之乘脾水之凌土爲微邪當瘥脾
脉長長而弱來疎去概再至曰平三至曰離經四
至曰奪精五至曰死六至曰命盡病脾脉來實而

盛數如雞舉足曰脾病死脾脉來堅銳如鳥之啄
如鳥之距如屋之漏如水之溜曰脾死真脾脉弱
而乍數乍疎然其色青黃不澤毛折乃死

養生方云脾藏病者體面上遊風習習痛身體癢
煩悶疼痛用嘻氣出

肺病候

肺象金王於秋其脉如毛而浮其候鼻其聲哭其
臭腥其味辛其液涕其養皮毛其藏氣其色白其
神魄手太陰其經與大腸合大腸爲府主表肺爲
藏主裏肺氣盛爲氣有餘則病喘欬上氣肩背痛

汗出尻陰股膝踠脛足皆痛是爲肺氣之實也則
宜寫之肺氣不足則少氣不能報息耳聾嗑乾是
爲肺氣之虛也則宜補之於四時病在肺愈在冬
冬不愈甚於夏夏不死待於長夏起於秋於日愈
在壬癸壬癸不愈加於丙丁丙丁不死待於戊己
起於庚辛禁寒飲食寒衣於時下晡慧夜半靜日
中甚肺欲收急食酸以收之用辛寫之肺部在右
手關前寸口是也平肺脉微短濇如毛秋以胃氣
爲本病肺脉來上下如循雞羽曰病肺病其色白
身體但寒無熱時時欲欬其脉微遲爲可治秋金

肺王其脉浮濇而短是曰平脉也反得浮大而洪者是心之乘肺火之剋金爲大逆十死不治也反得沈濡而滑者是腎之乘肺子之乘母病不治自愈反得緩大而長阿阿者是脾之乘肺母之歸子雖病當愈反得弦而長者是肝之乘肺木之凌金爲微邪雖病當愈肺脉來汎汎而輕如微風吹鳥背上毛再至曰平三至曰離經四至曰奪精五至曰死六至曰命盡死肺脉來如物之浮如風吹毛曰肺死秋胃微毛曰平胃氣少毛多曰肺病但如毛無胃氣曰死毛有弦曰春病弦甚曰今病眞肺

脈至大如虛如毛羽中人膚然其色赤白不澤毛折乃死

養生方云多語則氣爭肺脹口燥

又云秋三月此謂容平天氣以急地氣以明早臥早起與雞俱興使志安寧以緩秋形收斂神氣使秋氣平無外其志使肺氣清此秋氣之應也養收之道也逆之則傷肺冬爲殮泄其湯熨針石別有正方補養宣導今附於後

養生方導引法云肺藏病者體胸背痛滿四支煩悶用噓氣出以兩手據地覆之口內氣鼻出之除

胸中肺中病也

腎病候

腎象水王於冬其脉如石而沈其候耳其聲呻其
臭腐其味鹹其液唾其養骨其色黑其神志足少
陰其經也與膀胱爲府主表腎爲藏主裏腎氣盛
爲志有餘則病腹脹飧泄體腫喘欬汗出憎風面
目黑小便黃是爲腎氣之實也則宜瀉之腎氣不
足則厥腰背冷胸內痛耳鳴苦聾是爲腎氣之虛
也則宜補之腎病者腹大體腫喘咳汗出憎風虛
則胸中痛於四時病在腎愈在春春不愈甚於長

夏長夏不死待於秋起於冬於日愈於甲乙甲乙
不愈甚於戊己戊己不死待於庚辛起於壬癸無
犯塵垢無衣炙衣於時夜半慧日乘四季甚下晡
靜腎欲堅急食苦以堅之鹹以瀉之苦亦補之腎
部在左手關後尺中是也腎脉來如引葛按之益
鞣曰腎病腎風水其脉大緊身無痛形不瘦不能
食善驚驚以心萎者死冬腎水王其脉沈濡而滑
名曰平脉也反得浮大而緩者是脾之乘腎土之
剋水爲大逆十死不治反得浮濇而短者是肺之
乘腎母之歸子爲虛邪雖病易可治反得弦細長

者是肝之乘腎子之乘母爲實邪雖病自愈反得
浮大而洪者是心之乘腎火之凌水雖病治之不
死也腎死脉來發如奪索辟辟如彈石曰腎死冬
胃微石曰平胃少石多曰腎病但石無胃曰死石
而有鈞曰夏病鈞甚曰今病藏眞下於腎腎藏骨
髓之氣眞腎脉至搏而絕如彈石辟辟然其色黃
黑不澤毛折乃死諸眞藏見者皆死不治

養生方云冬三月此謂閉藏水冰地坼無擾乎陽
早卧晚起必待日光使志若伏匿若有私意若已
有得去寒就溫無泄皮膚使氣亟奪此冬氣之應

也養藏之道也逆之則傷腎春爲萎厥其湯熨針石別有正方補養宣導今附於後

養生方導引法云腎藏病者咽喉窒塞腹滿耳聾用咽氣出

又云兩足交坐兩手提兩足解溪挽之極勢頭仰來去七去腎氣壅塞

膽病候

膽象木王於春足少陽其經也肝之府也謀慮出焉諸府藏皆取決斷於膽其氣盛爲有餘則病腹內胃胃不安身軀習習是爲膽氣之實也則宜瀉

之膽氣不足其氣上溢而口苦善太息嘔宿汁心
下澹澹如人將捕之嗑中介介數唾是爲膽氣之
虛也則宜補之

小腸病候

小腸象火王於夏手太陽其經也心之府也水液
之下行爲溲便者流於小腸其氣盛爲有餘則病
小腸熱焦竭乾澹小腸臘脹是爲小腸之氣實也
則宜瀉之小腸不足則寒氣客之腸病驚跳不言
乍來乍去是爲小腸氣之虛也則宜補之

胃病候

胃象土王於長夏足陽明其經也脾之府也爲水穀之海諸藏府皆受水穀之氣於胃氣盛爲有餘則病腹膜脹氣滿是爲胃氣之實也則宜瀉之胃氣不足則飢而不受水穀殮泄嘔逆是爲胃氣虛也則宜補之胃脉實則脹虛則泄關脉滑胃內有寒脉滑爲實氣滿不欲食關脉浮積熱在胃內

大腸病候

大腸象金王於秋手陽明其經也肺之府也爲傳導之官變化糟粕出焉其氣盛爲有餘則病腸內切痛如錐刀刺無休息腰背寒痺攣急是爲大腸

氣之實則宜瀉之大腸氣不足則寒氣客之善泄
是大腸之氣虛也則宜補之診其右手寸口脉手
陽明經也脉浮則爲陽陽實者大腸實也苦腸切
痛如錐刀刺無休息時

膀胱病候

膀胱象水王於冬足太陽其經也腎之府也五穀
五味之津液悉歸於膀胱氣化分入血脉以成骨
髓也而津液之餘者入胞則爲小便其氣盛爲有
餘則病熱胞瀝小便不通小腹偏腫痛是爲膀胱
氣之實也則宜瀉之膀胱氣不足則寒氣客之胞

滑小便數而多也面色黑是膀胱氣之虛也則宜
補之其湯熨針石別有正方補養宣導今附于後
養生方導引法云蹲坐欹身努兩手向前仰掌極
勢左右轉身腰三七去膀胱內冷血風骨節急強
又云互跪調和心氣向下至足意裏想氣索索然
流布得所始漸漸平身舒手傍肋如似手掌內氣
出氣不止面覺急悶卽起皆至地來去二七微減
膝頭冷膀胱宿病腰脊強齊下冷悶

三焦病候

三焦者上焦中焦下焦是也上焦之氣出於胃上

口並咽以貫鬲布胸內走掖循太陰之分而行上
至舌下至足陽明常與榮衛俱行主內而不出也
中焦之氣亦並於胃口出上焦之後此受氣者泌
糟粕承津液化爲精微上注於肺脉乃化而爲血
主不上不下也

下焦之氣別迴腸注於膀胱而滲入焉主出而不
內故水穀常并居於胃成糟粕而俱下於大腸也
謂此三氣焦乾水穀分別清濁故名三焦三焦爲
水穀之道路氣之所終始也三焦氣盛爲有節則
脹氣滿於皮膚內輕輕然而不牢或小便澹或大

便難是爲三焦之實也則宜瀉之三焦之氣不足則寒氣客之病遺尿或泄利或胸滿或食不消是三焦之氣虛也則宜補之診其寸口脉遲上焦有寒尺脉遲下焦有寒尺脉浮者客陽在下焦

五藏橫病候

夫五藏者肝象木心象火脾象土肺象金腎象水其氣更休更王互虛互實自相乘剋內生於病此爲正經自病非外邪傷之也若寒溫失節將適乖理血氣虛弱爲風濕陰陽毒氣所乘則非正經自生是外邪所傷故名橫病也其病之狀隨邪所傷

之藏而形證見焉其湯炭針石別有正方補養宣
導今附于後

養生方導引法云從膝以下有病當思齊下有赤
光內外連沒身也從膝以上至腰有病當思脾黃
光從腰以上至頭有病當思心內赤光病在皮膚
寒熱者當思肝內青綠光皆當思其光內外連而
沒已身間氣收光以照之此消疾却邪甚驗篤信
精思行之病無不愈

脾脹病候

脾脹病有是脾虛爲風邪所乘正氣與邪氣交結

令脾氣不宣調擁聚而脹也其病喜噦四支急體
重不能勝置也

諸病源候總論卷之十五

巢氏諸病源候總論卷之十六

心痛病諸候 凡五論

心痛候

心痛者風冷邪氣乘於心也其痛發有死者有不死者有久成疹者心爲諸藏主而藏神其正經不可傷傷之而痛爲真心痛朝發夕死夕發朝死心有支別之絡脉其爲風冷所乘不傷於正經者亦令心痛則乍間乍甚故成疹不死人心爲火與諸陽會合而手少陰心經也若諸陽氣虛少陰之經氣逆謂之陽虛陰厥亦令心痛其痛引喉是也又

諸藏虛受病氣乘於心者亦令心痛則心下急痛
謂之脾心痛也足太陰爲脾之經與胃合足陽明
爲胃之經氣虛逆乘心而痛其狀腹脹歸於心而
痛甚謂之胃心痛也腎之經足少陰是也與膀胱
合膀胱之經足太陽是也此二經俱虛而逆逆氣
乘心而痛者其狀下重不自伏時苦泄寒中爲腎
心痛診其心脉急者爲心痛引背食不下寸口脉
沈緊若心下有寒時痛闕上脉緊心下苦痛左手
寸口脉沈則爲陰陰絕者無心脉也苦心下毒痛

久心痛候

心爲諸藏主其正經不可傷傷之而痛者則朝發夕死夕發朝死不服展治其久心痛者是心之支別絡爲風邪冷熱所乘痛也故成疹不死發作有時經久不瘥也

心懸急懊痛候

心與小腸合爲表裏俱象於火而火爲陽氣也心爲諸藏主故正經不受邪若爲邪所傷而痛卽死若支別絡爲風邪所乘而痛則經久成疹其痛懸急懊者是邪迫於陽氣不得宣暢壅瘀生熱故心如懸而急煩懊痛也

心痛多唾候

心痛而多唾者停飲乘心之絡故也停飲者水液之所爲也心氣通於舌心與小腸合俱象火小腸心之府也其水氣下行於小腸爲溲便則心絡無有停飲也膀胱與腎俱象水膀胱爲腎之府主藏津液腎之液上爲唾腎氣下通於陰若府藏和平則水液下流宣利若冷熱相乘致府藏不調津液水飲停積上迫於心令心氣不宜暢故痛而多唾也

心痛不能飲食候

心痛而不能飲食者積冷在內客於脾而乘心絡故也心陽氣也冷陰氣也冷乘於心陰陽相乘冷熱相擊故令痛也脾主消水穀冷氣客之則脾氣冷弱不勝於水穀也心爲火脾爲土是母子也俱爲邪所乘故痛復不能飲食也

腹痛病諸候

凡四論

腹痛候

腹痛者由府藏虛寒冷之氣客於腸胃募原之間結聚不散正氣與邪氣交爭相擊故痛其有陰氣搏於陰經者則腹痛而腸鳴謂之寒中是陽氣不

足陰氣有餘者也診其寸口脉沈而緊則腹痛尺脉緊臍下痛脉沈遲腹痛脉來觸觸者少腹痛脉陰弦則腹痛凡腹急痛此裏之有病其脉當沈若細而反浮大故當愈矣其人不卽愈者必當死以其病與脉相反故也其湯熨針石別有正方補養宣導今附於後

養生方導引法云石強脛手臂痛法屈一脛臂中所痛者正偃臥口鼻閉氣腹痛以意推之想氣往至痛上俱熱卽愈

又云偃臥展兩脛兩手仰足指以鼻內氣自極七

息除腹中弦急切痛

又云偃臥口內氣鼻出之除裏急飽咽氣數十令
溫中寒乾吐嘔腹痛口內氣七十所大振腹咽氣
數十兩手相摩令熱以摩腹令氣下

又云偃臥仰兩足兩手鼻內氣七息除腹中弦切
痛

久腹痛候

久腹痛者藏府虛而有寒客於腹內連滯不歇發
作有時發則腸鳴而腹絞痛謂之寒中是冷搏於
陰經今陽氣不足陰氣有餘也寒中久痛不瘥冷

入於大腸則變下痢所以然者腸鳴氣虛故也腸虛則泄故變下痢也

腹脹候

腹脹者由陽氣外虛陰氣內積故也陽氣外虛受風冷邪氣風冷陰氣也冷積於府藏之間不散與脾氣相壅虛則脹故腹滿而氣微喘診其脉右手寸口氣口以前手陽明經也脉浮爲陽按之牢強謂之爲實陽實者病腹滿氣喘嗽左手關上脉足少陽經也陰實者病腹脹滿煩擾不得臥也關脉實卽腹滿響關上脉浮而大風在胃內腹脹急心

內澹澹食欲嘔逆關脉浮腹滿不欲食脉浮爲是
虛滿左手尺中神門以後脉足少陰經沈者爲陰
陰實者病苦小腹滿左手尺中陰實者腎實也苦
腹脹善鳴左手關後尺中脉浮爲陽陽實者膀胱
實也苦少腹滿引腰痛脉來外澀者爲奔腹脹滿
也病苦腹滿而喘脉反滑利而沈皆爲逆死不治
腹脹脉浮者生虛小者死其湯熨針石別有正方
補養宣導今附於後

養生方導引法云蹲坐住心卷兩手發心向下左
右手搖臂遞互欹身盡髀勢捲頭築肚兩手衝脉

至臍下來去三七漸去腹脹肚急悶食不消化

又云腹中苦脹有寒以口呼出氣三十過止

又云若腹中滿食飲苦飽端坐生腰以口內氣數

十滿吐之以便爲故不便復爲之有寒氣腹中不

安亦行之

又云端坐生腰口內氣數十除腹滿食飲過飽寒

熱腹中痛病

又云兩手向身側一向偏相極勢發頂足氣散下

欲似爛物解散手掌指直舒左右相皆然去來三

此始正身前後轉動膊腰七去腹肚脹膀胱腰脊

臂冷血脉急强悸也

又云苦腹內滿飲食善飽端坐生腰以口內氣數十以便爲故不便復爲

又云脾主土暖如人肉如始得發汗去風冷邪氣若腹內有氣脹先須暖足摩上下并氣海不限遍數多爲佳始得左迴右轉立七和氣如用腰身內一日一十三法迴轉三百六十骨節動脉搖筋氣血布澤二十四氣和潤藏府均調和氣用頭動搖振手氣向上心氣向下分明知去來莫閤平手欹腰轉身摩氣蹙迴動盡心氣放散送至湧泉一一

不失氣之行度用之有益不解用者欵如氣亂

久腹脹候

久腹脹者此由風冷邪氣在腹內不散與藏府相搏脾虛故脹其脹不已連滯停積時瘥時發則成久脹也久脹不已則食不消而變下痢所以然者脾胃爲表裏脾主消水穀胃爲水穀之海脾虛寒氣積久脾氣衰弱故食不消也而冷移入大腸大腸爲水穀糟粕之道路虛而受冷故變爲痢也

心腹痛病諸候

凡七論

心腹痛候

心腹痛者由府藏虛弱風寒客於其間故也邪氣
發作與正氣相擊上衝於心則心痛下攻於腹則
腹痛下上相攻故心腹絞痛氣不得息診其脉左
手寸口人迎以前脉手少陰經也沈者爲陰陰虛
者病苦心腹痛難以言心如寒狀心腹疔痛不得
息脉細小者生大鞣疾者死心腹痛脉沈細小者
生浮大而疾者死其湯熨針石別有正方補養宣
導今附於後

養生方導引法云行大道常度日月星辰清淨以
雞鳴安身臥嗽口三咽之調五藏殺蠱蟲令人長

生治心腹痛

久心腹痛候

久心腹痛者由寒客於府藏之間與血氣相搏隨氣下上攻擊心腹絞結而痛藏氣虛邪氣盛停積成疹發作有時爲久心腹痛也然心腹久痛冷氣結聚連年積歲日月過深變爲寒疝

心腹相引痛候

心腹相引痛者足太陰之經與絡俱虛爲寒冷邪氣所乘故也足太陰是脾之脉起於足大指之端上循屬脾絡胃其支脉復從胃別上注心經入於

胃絡注於心此二脉俱虛爲邪所乘正氣與邪氣
交爭在於經則胃腕急痛在於絡則心下急痛經
絡之氣往來邪正相擊在於其間所以心腹相引
痛也診其脉太陽脉厥逆鬱急攣心痛引於腹也

心腹脹候

心腹脹者藏虛而邪氣客之乘於心脾故也是太
陰脾之經也脾虛則脹足少陰腎之經也其脉起
於足小指之下循行上絡膀胱其直者從腎上入
肺其支者從肺出絡於心藏虛邪氣客於二經與
正氣相搏積聚在內氣并於脾脾虛則脹故令心

腹煩滿氣急而脹也診其脈遲而滑者脹滿也其
湯熨針石別有正方補養宣導今附於後

養生方導引法云伸右脛屈左膝內壓之五息引
脾去心腹寒熱胸臆邪脹依經爲之引脾中熱氣
出去腹中寒熱胸臆中邪氣脹滿久行無有寒熱
時節之所中傷名爲眞人之方

久心腹脹候

久心腹脹者由府藏不調寒氣乘之入并於心脾
脾虛則脹停積成疹有特發動故爲久也久脹不
已脾虛寒氣積胃氣亦冷脾與胃爲表裏也此則

府藏俱冷令飲食不消若寒移入大腸則變下痢

胸脇痛候

胸脇痛者由膽與肝及腎之支脉虛爲寒氣所乘故也足少陽膽之經也其支脉從目兌貫眥目下行至胸脇裏足厥陰肝之經也其支脉起足大指叢毛上循入貫膈布脇肋足少陰腎之經也其支脉從肺出絡心注胸此三經之支脉並循行胸脇邪氣乘於胸脇故傷其經脉邪氣之與正氣交擊故令胸脇相引而急痛也診其寸口脉弦而滑弦卽爲痛滑卽爲實痛卽爲急實卽爲躍弦滑相搏

卽胸脇搶息痛也

卒苦煩滿又胸脇痛欲死候

此由手少陽之絡脉虛爲風邪所乘故也手少陽之脉起小指次指之端上循入缺盆布亶中散絡心包風邪在其經邪氣迫於心絡心氣不得宣暢故煩滿乍上攻於胸或下引於脇故煩滿而又胸脇痛也若經久邪氣留連搏於藏則成積搏於府則成聚也

巢氏諸病源候總論卷之十六

巢氏諸病源候總論卷之十七

痢病諸候

凡四十論

水穀痢候

水穀痢者由體虛腠理開血氣虛春傷於風邪氣留連在肌肉之內後遇脾胃大腸虛弱而邪氣乘之故爲水穀痢也脾與胃爲表裏胃者脾之府也爲水穀之海脾者胃之藏也其候身之肌肉而脾氣主消水穀水穀消其精化爲榮衛中養藏府充實肌膚大腸肺之府也爲傳導之官化物出焉水穀之精也爲血氣行於經脈其糟粕行於大腸也

肺與大腸爲表裏而肺主氣其候身之皮毛春陽
氣雖在表而血氣尚弱其飲食居處運動勞役血
氣虛者則爲風邪所傷客在肌肉之間後因脾胃
氣虛風邪又乘虛而進入於腸胃其脾氣弱則不
能剋制水穀故糟粕不結聚而變爲痢也又新食
竟取風名爲胃風其狀惡風頭多汗膈下塞不通
食飲不下腹滿形瘦腹大矢衣則臍滿食則洞泄
其洞泄者痢無度也若胃氣竭者痢絕則死診其
脉微手足寒難治也脉大手足溫易治下白沫脉
沈則生浮則死身不熱脉不懸絕滑大者生懸濇

者死以藏期之也脉絕而手足寒者死脉還手足
温者生脉不還者死脉時小絕者生洪大數者死
懸絕澀者死細微而澀者生緊大而滑者死得代
絕脉者不死

養生方云秋三月此謂容平天氣以急地氣以明
早臥早起與雞俱興使志安寧以緩秋刑收斂神
氣使秋氣平無外其志使肺氣清此秋氣之應也
養收之氣也逆之則傷肺冬爲餐泄
又云正月勿食未成核菓及桃棗發癰瘡不爾發
寒熱變黃疸又爲泄痢

病源卷之十七
久水穀痢候

夫久水穀痢者由脾胃大腸虛弱風邪乘之則泄痢虛損不復遂連滯涉引歲月則爲久痢也然痢久則變嘔噦胃弱氣逆不下食故嘔逆也氣逆而外冷氣乘之與胃氣相折不通故噦也嘔又變爲噤蟲動食於五藏也凡諸蟲在人腹內居腸胃之間痢則腸胃虛弱蟲動侵食若上食於藏則心悶齒斷紫黑唇白齒斷生瘡不食於肛門則穀道傷爛而開也亦有變爲水腫所以然者水氣入胃腸虛則泄大腸金也脾土也金土母子也脾侯身之

肌肉性本剋消水穀也痢由脾弱腸虛金土氣衰
母子俱病不復相扶不能剋水致水氣流溢浸漬
肌肉故變腫也亦有不及成腫而五藏傷敗水血
並下而五藏五色隨之而出謂之五液俱下也凡
如此者多死而嘔噦腫鬻治之時有瘥者若五液
俱下者必死五藏傷敗故也

赤白痢候

凡痢皆由榮衛不足腸胃虛弱冷熱之氣乘虛入
客於腸間虛則泄故爲痢也然其痢而赤白者是
熱乘於血血滲腸內則赤也冷氣入腸搏腸間津

液凝滯則白也冷熱相交故赤白相雜重者狀如
膿涕而血雜之輕者白濃上有赤脉薄血狀如魚
脂腦世謂之魚腦痢也

久赤白痢候

久赤白痢者是冷熱乘於血血滲腸間與津液相
雜而下甚者腸虛不復故赤白連滯久不瘥也凡
痢久不瘥脾胃虛弱則變嘔噦胃弱氣逆故嘔也
氣逆而外有冷折之不通故噦亦變爲蠶蟲食人
五藏也三尸九蟲常居人腸胃腸胃虛則動土食
於五藏則心懊而悶齒斷唇口並生瘡下食於腸

則肛門傷爛而穀道開也輕者可治重者致死也
赤痢候
此由腸胃虛弱爲風邪所傷則挾熱熱乘於血則
流滲入腸與痢相雜下故爲赤痢

久赤痢候

久赤痢者由體虛熱乘於血血滲腸間故痢赤腸
胃虛不平復其熱不退故經久不差胃氣逆則變
嘔噦也胃虛穀氣衰蟲動侵食則變爲膿

血痢候

血痢者熱毒折於血入大腸故也血之隨氣循環

經絡通行藏府常無停積毒熱氣乘之遇腸虛者
血滲入於腸腸虛則泄故為血痢也身熱者死身
寒者生診其關上脉芤大便去血暴下血數升也

久血痢候

此由體虛受熱熱折於血血滲入腸故成血痢熱
不歇胃虛不復故痢血久不差多變嘔噦及為濕

蠶

膿血痢候

夫春陽氣在表人運動勞役腠理則開血氣虛者
傷於風至夏又熱氣乘之血性得熱則流散其遇

大腸虛血滲入焉與腸間津液相搏積熱蘊結血
化爲膿腸虛則泄故成膿血痢也所以夏月多苦
膿血痢腸胃虛也秋冬診其脾脈微濇者爲內潰
多下血膿又脈懸絕則死滑大則生脈微小者生
實急者死脈沈細虛遲者生數疾大而有熱者死

久膿血痢候

久膿血痢者熱毒乘經絡血滲腸內則變爲膿血
痢熱久不歇腸胃轉虛故痢久不斷皆變成濕匿
及嘔噦也

冷痢候

病源卷之十七
五
冷痢者由腸胃虛弱受於寒氣腸虛則泄故爲冷痢也凡痢色青色白色黑並皆爲冷痢色黃色赤並是熱也故痢色白食不消謂之寒中也診其脉沈則生浮則死也

久冷痢候

久冷痢者由腸虛而寒積故冷痢久不斷也而廩丘公說云諸下悉寒也凡人腸中大便有寒則常鳴澹有熱則儻韌人見病身體發熱而下便謂熱下非也平常恒自將節飲食衣被調適其人無宿寒者大便自調強人適發越薄衣冷飲食表有熱

不覺裏冷而胃內潛冷冷卽下也今始發熱而下
當與理中湯加大附子一枚連服三四劑重覆今
微汗出微汗出則熱除不復思冷胃氣溫暖下與
發熱俱瘳矣宿寒之家其人常自患冷躡濕地若
足踏凍地或衣被薄皆發風下最惡何謂風下當
風吹腰腹冷氣徹裏而暴下者難治也久痢胃虛
氣逆則變嘔嘔而氣逆遇冷折之氣逆不通則變
噦亦變濕罌也胃虛蟲動故也

熱痢候

此由腸胃虛弱風邪挾熱乘之腸虛則泄故爲熱

痢也其色黃若熱甚黃而赤也

久熱痢候

此由腸虛熱積其痢連滯效久不瘥也痢久胃氣
虛則變嘔嘔而氣逆遇冷折之氣不通則變噦亦
變濕罌也胃虛蟲動故也

冷熱痢候

夫冷熱痢者由腹胃虛弱宿有寒而爲寒熱所傷
冷熱相乘其痢乍黃乍白是也若熱搏於血血滲
腸間則變爲血痢也而冷伏腸內搏津液則變凝
白則成白滯亦變赤白痢也其湯熨針石別有正

方補養宣導今附於後

養生方導引法云泄下有寒者微引氣以息內腹
徐吹欲息以鼻引氣氣足復前卽愈其有熱者微
呼以去之

雜痢候

雜痢謂痢色無定或水穀或膿血或青或黃或赤
或白變雜無常或雜色相兼而痢也挾熱則黃赤
熱甚則變膿血也冷則白冷甚則青黑皆由飲食
不節冷熱不調胃氣虛故變易

休息痢候

休息痢者胃腕

音管

有停飲因痢積久或冷氣或

熱氣乘之氣動於飲則飲動而腸虛受之故爲痢也冷熱氣調其飲則靜而痢亦休也腸胃虛弱易爲冷熱其邪氣或動或靜故其痢乍發乍止謂之休息痢也

白滯痢候

白滯痢者腸虛而冷氣客之搏於腸間津液凝滯成白故爲白滯痢也

痢如膏候

痢如膏者是由藏府虛冷冷氣入於大腸成痢冷

氣積腸又虛滑脂凝如膏也

蟲注痢候

此由歲時寒暑不調則有濕毒之氣傷入隨經脉
血氣漸至於藏府大腸虛者毒氣乘之毒氣挾熱
與血相搏則成血痢也毒氣侵食於藏府如病蠱
注之家痢血雜膿瘀黑有片如雜肝與血雜下是
也

腸蠱痢候

腸蠱痢者冷熱之氣入在腸間先下赤後下白連
年不愈侵傷於藏府下血雜白如病蠱之狀名爲

腸蠱也

下痢便腸垢候

腸垢者腸間津汁垢膩也由熱痢蘊積腸間虛滑所以因下痢而便腸垢也

不伏水土痢候

夫四方之氣溫涼不同隨方嗜欲因以成性若移其舊土多不習伏必因飲食以入腸胃腸胃不習便爲下痢故名不伏水土痢也卽水穀痢是也

嘔逆吐痢候

嘔逆吐痢者由腸胃虛邪氣并之藏府之氣自相

乘剋也脉經云心乘肝則吐痢心火也肝木也火木子母也火乘於木子扶母也此爲二藏偏實也大腸金也胃土也金土母子也大腸虛則金氣衰微不能扶土致令胃氣虛弱此兩府偏虛也木性剋土火性剋金是爲火木相扶心肝俱盛而金畏於火土畏於木則爲腸胃皆弱腸虛弱則泄痢胃虛弱則嘔吐故逆而復吐利也診其關上脉數其人吐跗陽脉微而濇微則下痢濇卽吐逆也

痢兼煩候

春傷於風邪氣留連因飲食不節腸胃虛弱邪氣

乘之則變爲痢痢則府藏俱虛水氣相并上乘於
心心氣不宣暢否滿在內故令痢而兼煩者也

痢兼渴候

夫水穀之精化爲血氣津液以養藏府藏府虛受
風邪邪入於腸胃故痢痢則津液空竭府藏虛燥
故痢而兼渴也渴而引飲則痢不止翻益水氣脾
胃已虛不能剋消水水氣流溢浸漬肌肉則變腫
也

下痢口中及腸內生瘡候

凡痢口裏生瘡則腸間亦有瘡也所以知者猶如

傷寒熱病胃爛身則發瘡也此由挾熱痢藏虛熱
氣內結則瘡生腸間熱氣上衝則瘡生口裏然腸
間口裏生瘡皆胃之虛熱也胃虛穀氣弱則九蟲
三尸發動則變成蠱

痢兼腫候

痢兼腫者是痢久脾虛水氣在於肌肉之所爲也
脾與胃合俱象土脾候身之肌肉胃爲水穀之海
而以脾氣剋消水穀也風邪在內腸胃虛弱則水
穀變爲痢也膀胱與腎合俱象水膀胱爲津液之
府小腸與心合俱象火而津液之水行於小腸下

爲小便也土性本剋水今因痢脾胃虛弱土氣衰
微不能剋制於水致令水得妄行不流於小腸而
浸漬藏府散流皮膚與氣相搏腠理壅閉故痢而
腫也

痢穀道腫痛候

是由風冷客於腸胃腸胃虛則痢痢久腸虛風邪
客於肛門邪氣與真氣相搏故令疼痛也

痢後虛煩候

夫體虛受風冷風冷入於腸故痢痢後虛煩者由
府藏尚虛而氣內搏之所爲也水穀之精以養藏

府痢則水穀減耗致令府藏微弱痢斷之後氣未調理不能宣暢則膚腠還相搏藏府藏府既虛而使氣還相搏故令虛煩

痢後腫候

痢後腫由脾胃尚虛肌肉爲風水相乘故也脾胃虛弱受於風邪則水穀變成痢脾與胃爲表裏俱象土胃爲水穀之海脾候肌肉土性剋水而痢者則脾胃虛弱土氣衰微不能剋水令水妄行散溢肌肉痢雖得斷水猶未消肌肉先受風邪風水相搏膚腠閉密而成腫也

痢後不能食候

痢後不能食由脾胃虛弱氣逆胸間之所爲也風邪入於腸胃而痢痢則水穀減耗脾胃虛弱痢斷之後脾胃尚虛不勝於食邪搏於氣逆上胃弱不能食

痢後腹痛候

痢後腹痛者體虛受風冷風冷入於腸胃則痢後腹痛是藏氣猶虛風冷餘熱未盡藏府未平復冷氣在內與藏府相搏真邪相擊故令腹痛也

痢後心下逆滿候

痢後而心下逆滿此由藏虛心下有停飲氣逆乘之所爲也風邪入腸胃則下痢下痢則府藏虛弱痢斷之後府藏猶未調和邪氣尚不消盡邪乘於氣則氣逆與飲食相搏而上故令心下逆滿也

脫肛候

脫肛者肛門脫出也多因久痢後大腸虛冷所爲肛門爲大腸之候大腸虛而傷於寒痢而用氣嘔其氣下衝則肛門脫出因謂脫肛也

大下後噦候

夫風冷在內入於腸胃則成大下下斷之後脾胃

虛氣逆遇冷拆之其氣不通則令噦也

穀道生瘡候

穀道肛門大腸之候也大腸虛熱其氣熱結肛門故令生瘡

穀道蟲候

穀道蟲者由胃虛腸虛而蟻蟲下乘之也穀道肛門大腸之候蟻蟲者九蟲之內一蟲也在於腸間若府藏氣實則蟲不妄動胃弱腸虛則蟻蟲乘之輕者或癢或蟲從穀道中溢出重者侵食肛門瘡

爛

穀道痒候

穀道痒者由胃弱腸虛則蟻蟲下侵穀道重者食於肛門輕者但痒也蟻蟲狀極細微形如今之蝸蟲狀也

穀道赤痛候

肛門爲大腸之候其氣虛爲風熱所乘熱氣擊搏故令穀道赤痛也

巢氏諸病源候總論卷之十七

巢氏諸病源候總論卷之十八

濕慝病諸候 凡三論

濕慝候

濕慝病由脾胃虛弱為水濕所乘腹內蟲動侵食成慝也多因下利不止或生病後客熱結腹內所為其狀不能飲食忽忽喜睡綿綿微熱骨節沈重齒無色舌上盡白細瘡如粟若上脣生瘡是蟲食五藏則心煩懊若下脣生瘡是蟲食下部則肛門爛開甚者府藏皆被食齒下土斷悉生瘡齒色紫黑利血而濕由水氣也脾與胃合俱象土胃為水

穀之海脾氣磨而消之水穀之精化爲血氣以養
府藏若脾胃和則土氣強盛水濕不能侵之脾胃
虛弱則土氣衰微或受於冷乍傷於熱使水穀不
消化糟粕不償實則成下利翻爲水濕所傷若時
病之後腸胃虛熱皆令三尸九蟲因虛動乍侵食
五藏上出脣口下至肛門胃虛氣逆則變嘔噦蟲
食府藏傷敗利出瘀血如此者死其因脾胃虛微
上氣衰弱爲水濕所侵蟲動成慝故名濕慝也
又云有天行之濕初得不覺行坐不發恒少氣力
或微利或不利痢成則變嘔吐卽是蟲內食於藏

又云有急結濕先因腹痛下利膿血相兼出病成
翻大小便不通頭項滿痛小腹急滿起坐不安亦
是內食五藏凡如此雖初證未發於外而心腹亦
常煩懊至於臨困唇口及肛門方復生瘡卽死也

心慙候

心蠶者由藏虛諸蟲在腸胃間因虛而動攻食心
謂之心蠶初不覺他病忽忽嗜睡四支沈重此蠶
或食心則心煩悶懊痛後乃侵食餘處診其脉沈
而細手足冷內濕蠶在心也

瘖蠶疾

人有嗜甘味多而動腸胃間諸蟲致令侵食府藏
此猶是蠶也凡食五味之物皆入於胃其氣隨其
府藏之味而歸之脾與胃爲表裏俱象土其味甘
而甘味柔潤於脾胃脾胃潤則氣緩氣緩則蟲動
蟲動則侵食成疢蠶也但蟲因甘而動故名之爲
疢也其初患之狀手足煩疼腰脊無力夜卧煩燥
昏昏喜妄嘿嘿眼澀夜夢顛倒飲食無味而失顏
色喜睡起卽頭眩體重脛脛痠疼其上食五藏則
心內懊惱出食咽喉及齒斷皆生瘡出黑血齒色
紫黑下食腸胃下利黑血出食肛門生瘡爛開胃

氣逆則變嘔噦急者數日便死亦有緩者正沈嘿
支節疼重食飲減少面無顏色在內侵食乃至數
年方上食口齒生瘡下至肛門傷爛乃死

又云五疳一是白疳令人皮膚枯燥面失顏色二
是赤疳內食人五藏令人頭髮焦枯三是噤疳食
人脊脊遊行五藏體重浮腫四是疳蠱食人下部
疼痒腰脊攣急五是黑疳食人五藏多下黑血數
日卽死凡五疳白者輕赤者次噤疳又次之甘蠱
又次之黑者最重皆從腸裏上食咽喉齒斷並生
瘡下至穀道傷爛下利膿血嘔逆手足心熱腰痛

嗜睡秋冬可春夏極

又云面青頰赤眼無精光唇口燥腹脹有塊日日瘦損者是疝食人五藏至死不覺

又云五疝緩者則變成五蒸五蒸者一曰骨蒸二曰脉蒸三曰皮蒸四曰肉蒸五曰血蒸其根源初發形候雖異至於蒸成爲病大體略同皆令人腰疼心滿虛乏無力日漸羸瘦或寒熱無常或手足煩熱或逆冷或利或澀或汗也五蒸別自有論與虛勞諸病相從也

九蟲病諸候
凡五論

九蟲候

九蟲者一曰伏蟲長四分二曰虬蟲長一尺三曰白蟲長一寸四曰肉蟲狀如爛杏五日肺蟲狀如蠶六曰胃蟲狀如蝦蟇七日弱蟲狀如瓜瓣八曰赤蟲狀如生肉九曰蟻蟲至細微形如菜蟲伏蟲羣蟲之主也虬蟲貫心則殺人白蟲相生子孫轉大長至四五尺亦能殺人肉蟲令人煩滿肺蟲令人咳嗽胃蟲令人嘔逆吐喜噦弱蟲又名膈蟲令人多唾赤蟲令人腸鳴蟻蟲居胴腸多則爲痔極則爲癩因人瘡處以生諸癰疽癰癢疥齧蟲無

所不爲人亦不必盡有有亦不必盡多或偏無者
此諸蟲依腸胃之間若府藏氣實則不爲害若虛
則能侵蝕隨其蟲之動而能變成諸患也

三蟲候

三蟲者長蟲赤蟲蟻蟲也爲三蟲猶是九蟲之數
也長蟲虬蟲也長一尺動則吐清水出則心痛貫
心則死赤蟲狀如生肉動則腸鳴蟻蟲至細微形
如菜蟲也居胴腸間多則爲痔極則爲癩因人瘡
處以生諸癰疽癰瘻疔齧蟲無所不爲此旣是
九蟲內之三者而今別立名當以其三種偏發動

成病故謂之三蟲也其湯熨針石別有正方補養
宣導今附於後
養生方導引法云以兩手着頭相叉長氣卽吐之
坐地緩舒兩脚以兩手外抱膝中疾低頭人兩膝
間兩手交叉頭上十三通愈三尸也

又云叩齒二七過輒咽氣二七如三百通乃止爲
之二十日邪氣悉去六十日小病愈百日大病除
三蟲伏尸皆去面體光澤也

虬蟲候

虬蟲者是九蟲內之一蟲也長一尺亦有長五六

寸或因府藏虛弱而動或因食甘肥而動其發動則腹中痛發作腫聚去來上下痛有休息亦攻心痛口喜吐涎及吐清水貫傷心者則死診其脉腹中痛其脉法當沈弱弦令反脉洪而大則是蚘蟲也

寸白蟲候

寸白者九蟲內之一蟲也長一寸而色白形小扁因府藏虛弱而能發動或云飲白酒以桑枝貫牛肉炙食并生栗所成

又云食生魚後卽飲乳酪亦令生之其發動則損

人精氣腰脚疼弱又云此蟲生長一尺則令人死

蟯蟲候

蟯蟲猶是九蟲內之一蟲也形甚小如今之蝸蟲
狀亦因府藏虛弱而致發動甚者則能成痔瘻疥
癬癩癰疽疔諸瘡蟯蟲是人體虛極重者故爲蟯
蟲因動作無所不爲也

此因通并感退不為也

此因通并感退不為也

此因通并感退不為也

此因通并感退不為也

此因通并感退不為也

此因通并感退不為也

巢氏諸病源候總論卷之十九

積聚病諸候

凡六論

積聚候

積聚者由陰陽不和府藏虛弱受於風邪搏於府藏之氣所爲也府者陽也藏者陰也陽浮而動陰沈而伏積者陰氣五藏所生始發不離其部故上下有所窮已聚者陽氣六府所成故無根本上下無所留止其痛無有常處諸藏受邪初未能爲積聚留滯不去乃成積聚肝之積名曰肥氣在左脇下如覆杯有頭足久不愈令人發瘖瘧連歲月不

已以夏戊巳得之何以言之脾病傳肝肝當傳脾
脾夏適王王者不受邪肝復欲還肺肺不肯受故
留結爲積故知肥氣仲夏得之也心之積名曰伏
梁起臍上如臂上至心下以秋庚辛得之何以言
之腎病當傳心心當傳肺肺秋適王王者不受邪
心欲復還腎腎不肯受故留結爲積故知伏梁以
秋得之也

脾之積名曰否氣在胃脘覆大如盤久不愈令人
四肢不收發黃疸飲食不爲肌膚以冬壬癸得之
何以言之肝病當傳脾脾當傳腎腎冬適王王者

不受邪脾欲復還肝肝不肯受故留結爲積故知
否氣以冬得之也

肺之積名曰息賁在右脇下覆大如杯久不愈令
人洒淅寒熱喘嗽發肺癰以春甲乙得之何以言
之心病傳肺肺當傳肝肝以春適王王者不受邪
肺欲復還心心不肯受故留結爲積故知息賁以
春得之也

腎之積名曰賁狹發於少腹上至心下若狹賁走
之狀上下無時久不愈令人喘逆骨萎少氣以夏
丙丁得之何以言之脾病當傳腎腎當傳心心夏

適王王者不受邪腎欲復還脾脾不肯受故留結
爲積故知賁狹以夏得之此爲五積也

診其脉駛而緊積聚脉浮而牢積聚脉橫者脇下
有積聚脉來小沉實者胃中有積聚不下食食卽
吐出脉來細沈附骨者積也脉出在左積在左脉
出在右積在右脉兩出積在中央以部處之

診得肺積脉浮而毛按之辟易時下氣逆背相引
痛少氣善忘目瞑皮膚寒秋愈夏劇主皮中時痛
如蝨緣狀其甚如針刺之狀時痒色白也

診得心積脉沉而芤時上下無常處病悸腹中熱

面赤咽乾煩掌中熱甚卽唾血主身瘕癥主血厥
夏瘥冬劇色赤也

診得脾積脉浮大而長飢則減飽則見瞋起與穀
爭累累如桃李起見於外腹滿嘔泄腸鳴四肢重
足脛腫厥不能卧是主肌肉損色黃也

診得肝積脉弦而細兩脇下痛邪走心下足脛寒
脇痛引小腹男子積疝也女子病淋也身無膏澤
喜轉筋爪甲枯黑春瘥秋劇色青也

診得腎積脉沉而急若脊與腰相引飢則見飽則
減病腰痛小腹裏急口乾咽腫傷爛目茫茫骨中

寒主髓厥喜忘色黑也

診得心腹積聚其脉牢強急者生脉虛弱急者死
又積聚之脉實強者生沉者死其湯熨針石別有
正方補養宣導今附於後

養生方導引法云以左足踐右足上除心下積

又云病心下積聚端坐生腰向日仰頭除以口內
氣因而咽之三十過而止開日

又云左脇側卧申臂直脚以口內氣鼻吐之週而
復始除積聚心下不便

又云以左手按右脇舉右手極形除積及老血

又云閉口微息正坐向王氣張鼻取氣逼置臍下
小口微出十二通氣以除結聚低頭不息十二通
以消飲食令身輕強行之冬月令人不寒

又云端坐生腰直上展兩臂仰兩手掌以鼻內氣
閉之自極七息名曰蜀王喬除脇下積聚

又云向晨去枕正偃卧伸臂脛瞑目閉口不息極
張腹兩足再息頃間吸腹仰兩足倍拳欲自微息
定復爲春三夏五秋七冬九蕩滌五藏津潤六府
所病皆愈腹有疾積聚者張吸其腹熱乃止癥瘕
散破卽愈矣

積聚痼結候

積聚痼結者是五藏六府之氣已積聚於內重因飲食不節寒溫不調邪氣重沓牢痼盤結者也若久卽成癥

積聚心腹痛候

積者陰氣五藏所生其痛不離其部故上下有所窮已聚者陽氣六府所成故無根本上下無所留止其痛無有常處此皆由寒氣搏於藏府與陰陽氣相擊下上故心腹痛也診其寸口之脉沈而橫脇下有積腹中有橫積聚痛又寸口脉細沈滑者

有積聚在脇下左右皆滿與背相引痛

又云寸口脉緊而牢者脇下腹中有橫積結痛而泄利脉微細者生浮者死

積聚心腹脹滿候

積者陰氣五藏所生其痛不離其部故上下有所窮已聚者陽氣六府所成故無根本上下無所留止其痛無有常處也積聚成病蘊結在內則氣行不宜通氣搏於府藏故心腹脹滿心腹脹滿則煩而悶尤短氣也

積聚宿食候

病源名之十九
五
積者陰氣五藏所生其痛不離其部故上下有所
窮已聚者陽氣六府所成故無根本下上無所留
止其痛無有常處也積聚而宿食不消者由藏府
爲寒氣所乘脾胃虛冷故不消化留爲宿食也診
其脉來實心腹積聚飲食不消胃中冷也

伏梁候

伏梁者此由五藏之積一名也心之積名曰伏梁
起於臍上大如臂診得心積脉沈而芤時上下無
常處病腹中熱而咽乾心煩掌中熱甚卽唾血身
瘦癯夏瘥冬劇唾膿血者死又其脉卒強急者生

虛弱急者死

癥瘕病諸候

凡十八論

癥候

癥者由寒溫失節致府藏之氣虛弱而食飲不消聚結在內染漸生長塊段盤牢不移動者是癥也言其形狀可徵驗也若積引歲月人卽柴瘦腹轉大遂致死診其脉弦而伏其癥不轉動者必死

癥瘕候

癥瘕者皆由寒溫不調飲食不化與藏氣相搏結所生也其病不動者直名爲癥若病雖有結瘕而

可推移者名爲癥瘕瘕者假也謂虛假可動也候
其人發語聲嘶中聲濁而後語之氣拖舌語而不
出此人食結在腹病寒口裏常水出四體洒洒常
如發瘧飲食不能常自悶悶而痛此食癥病也診
其脉沈而中散者寒食癥也脉弦緊而細癥也若
在心下則寸口脉弦緊在胃腕則關上弦緊在臍
則尺中弦緊脉癥法左手脉橫癥在右手脉橫
癥在右脉頭大在上頭小在下脉來逆而牢者爲
病癥也腎脉小急肝脉小急心脉若鼓皆爲瘕寸
口脉結者瘕瘕脉而伏腹中有瘕不可轉動必死

不治故也

養生方云飲食大走腸胃傷久成癥瘕時時結痛其湯熨針石別有正方補養宣導今附於後

養生方導引法云向晨去枕正偃卧伸臂脛瞑目閉口無息極張腹兩足再息項間吸腹仰兩足倍拳欲自微息定復爲之春三夏五秋七冬九蕩滌五藏津潤六府所病皆愈積聚者張吸其腹熱乃止癥瘕散破卽愈矣

暴癥候

暴癥者由腑藏虛弱食生冷之物藏旣虛弱不能

消之結聚成塊卒然而起其生無漸名曰暴癥也
本由藏弱其癥暴生至於成病死則速

鼈癥候

鼈癥者謂腹內癥結如鼈之形狀有食鼈觸冷不
消生癥者有食諸雜物得冷不消變化而作者此
皆脾胃氣弱而遇冷不能剋消故也癥瘕結成推
之不動移是也

蝨癥候

人有多蝨而性好齧之所齧既多府藏虛弱不能
消之不幸變化生癥而患者亦少俗云蝨癥人見

蝨必齧之不能禁止蝨生長在腹內時有從下部
出亦能斃人

米癥候

人有好啞米轉久彌嗜啞之若不得米則胸中清
水出得米水便止米不消化遂生癥結其人常思
米不能飲食久則斃

食癥候

有人卒大能食乖其常分因飢值生葱便大食之
乃生一肉塊繞畔有口其病則難愈故謂食癥特
由不幸致此妖異成癥非飲食生冷過度之病也

腹內有人聲候

夫有人腹內忽有人聲或學人語而相答此乃不幸致生災變非關經絡腑藏冷熱虛實所爲也

髮癥候

有人因食飲內誤有頭髮隨食而入成癥胸喉間如有蟲上下來去者是也

蛟龍病候

蛟龍病者云三月八月蛟龍子生在芹菜上人食芹菜不幸隨食入人腹變成蛟龍其病之狀發則如癩

瘕病候

瘕病者由寒溫不適飲食不消與藏氣相搏積在腹內結塊瘕痛隨氣移動是也言其虛假不牢故謂之爲瘕也

鼈瘕候

鼈瘕者謂腹中瘕結如鼈狀是也有食鼈觸冷不消而生者亦有食諸雜肉得冷變化而作者皆由脾胃氣虛弱而遇冷則不能剋消所致瘕言假也謂其有形假而推移也昔曾有人共奴俱患鼈瘕奴在前死遂破其腹得一白鼈仍故活有人乘白

馬來看此鼈白馬遂尿隨落鼈上卽縮頭及脚尋以馬尿灌之卽化爲水其主曰吾將瘥矣卽服之果如其言得瘥

養生方云六月勿食澤中水令人成鼈瘥也

魚瘥候

有人胃氣虛弱者食生魚因爲冷氣所搏不能消之結成魚瘥揣之有形狀如魚是也亦有飲陂湖之水誤有小魚入人腹不幸便卽生長亦有形狀如魚也

養生方云魚赤目作鱸食之生瘥

蛇瘕候

人有食蛇不消因腹内生蛇瘕也亦有蛇之精液誤入飲食內亦令病之其狀常若飢而食則不下喉噎塞食至胸內卽吐出其病在腹摸揣亦有蛇狀謂蛇瘕也

肉瘕候

人有病常思肉得肉食訖又思之名爲肉瘕也

酒瘕候

人有性嗜酒飲酒旣多而食穀常少積久漸瘦其病遂當思酒不得酒卽吐多睡不復能食云是胃

中有蟲使之然名爲酒瘕也

穀瘕候

人有能食而不大便初亦不覺爲患久乃腹內成塊結推之可動故名爲穀瘕也

腹內有毛候

人有因飲食內誤有毛隨食入腹則令漸漸羸瘦但此病不說別有證狀當以舉因食毛以知之

巢氏諸病源候總論卷之十九 終

巢氏諸病源候總論卷之二十

疝病諸候

凡十一論

諸疝候

諸疝者陰氣積於內復爲寒氣所加使榮衛不調血氣虛弱故風冷入其腹內而成疝也疝者痛也或少腹痛不得大小便或手足厥冷繞臍痛自汗出或冷氣逆上搶心腹令心痛或裏急而腹痛此諸候非一故云諸疝也脉弦緊者疝也

寒疝候

寒疝者陰氣積於內則衛氣不行衛氣不行則寒

氣盛也故令惡寒不欲食手足厥冷繞臍痛自汗
出遇寒卽發故云寒疝也其脉弦緊者是也其湯
熨針石別有正方補養宣導今附於後

養生方導引法云蹲踞以兩手舉手蹲極橫治氣
衝腫痛寒疝入上下致腎氣蹲踞以兩手捉趾令
離地低跟極橫挽自然 通愈榮衛中痛

寒疝心痛候

夫寒疝心痛陰氣積結所生也陰氣不散則寒氣
盛寒氣盛則痛上下無常言冷氣上衝於心故令
心痛也

寒疝腹痛候

此由陰氣積於內寒氣結搏而不散腑藏虛弱故風邪冷氣與正氣相擊則腹痛裏急故云寒疝腹痛也

寒疝心腹痛候

此由腑藏虛弱風邪客於其間與真氣相擊故痛其痛隨氣上下或上衝於心故在於腹皆由寒氣所作所以謂之寒疝心腹痛也

寒疝積聚候

積聚者由寒氣在內所生也血氣虛弱風邪搏於

腑藏寒多則氣澀氣澀則生積聚也積者陰氣五
藏所生始發不離其部故上下有所窮已聚者陽
氣六腑所生也故無根本上下無所留止但諸藏
腑受邪初未能爲積聚邪氣留滯不去乃成積聚
其爲病也或左右脇下如覆杯或臍上下如臂或
胃脘間覆大如盤羸瘦少氣或洒淅寒熱四支不
收飲食不爲肌膚或累累如桃李或腹滿嘔泄寒
卽痛故云寒疝積聚也其脉駛而緊積聚浮而牢
積聚牢強急者生虛弱急者死

七疝候

七疝者厥疝癥疝寒疝氣疝盤疝疝疝狼疝此名
七疝也厥逆心痛足寒諸飲食吐不下名曰厥疝
也腹中氣乍滿心下盡痛氣積如臂名曰癥疝也
寒飲食卽脇下腹中盡痛名曰寒疝也腹中乍滿
乍減而痛名曰氣疝也腹中痛在臍旁名曰盤疝
也腹中臍下有積聚名曰疝疝也小腹與陰相引
而痛大便難名曰狼疝也凡七疝皆由血氣虛弱
飲食寒溫不調之所生

五疝候

一曰石疝二曰血疝三曰陰疝四曰妬疝五曰氣

疝是爲五疝也而范汪所錄華他太一決疑雙朮
方云治八否五疝積聚伏熱留飲往來寒熱而不
的顯五疝之狀尋此皆由腑藏虛弱飲食不節血
氣不和寒溫不調之所生也

心疝候

疝者痛也由陰氣積於內寒氣不散上衝於心故
使心痛謂之心疝也其痛也或如錐刀所刺或陰
陰而疼或四支逆冷或脣口變青皆其候也

飢疝候

陰氣在內寒氣客於足陽明手少陰之絡令食竟

必飢心爲之痛故謂之飢疝

疝瘕候

疝者痛也瘕者假也其病雖有結瘕而虛假可推移故謂之疝瘕也由寒邪與藏府相搏所成其病腹內急痛腰背相引痛亦引小腹痛脉沈細而滑者曰疝瘕緊急而滑者曰疝瘕方云乾晡曝之不燥者食之成疝瘕其湯熨針石別有正方補養宣導今附于後

養生方導引法云挽兩足指五息止引腹中氣去疝瘕利孔竅

又云坐舒兩脚以兩手捉大姆指使足上頭下極
挽五息止引腹中氣遍行身體去疝瘕病利諸孔
竅往來易行久行精爽聰明化

痰飲諸病候 凡十六論

痰飲候

痰飲者由氣脉閉塞津液不通水飲氣停在胸府
結而成痰又其人素盛今瘦水走腸間漉漉有聲
謂之痰飲其病也胸脇脹滿水穀不消結在腹內
兩肋水入腸胃動作有聲體重多唾短氣好眠胸
背痛甚則上氣欬逆倚息短氣不能臥其形如腫

是也脉偏弦爲痰浮而滑爲飲其湯熨針石別有
正方補養宣導今附於後

養生方導引法云左右側臥不息十二通治痰飲
不消右有飲病右側臥左有飲病左側臥又有不
消氣排之左右各十有二息治痰飲也

痰飲食不消候

此由痰水結聚在胸府膀胱之間久而不散流行
於脾胃脾惡濕得水則脹脹則不能消食也或令
腹裏虛滿或水穀不消化或時嘔逆皆其候也

熱痰候

熱痰者謂飲水漿結積所生也言陰陽否隔上焦生熱熱氣與痰水相搏聚而不散故令身體虛熱逆害飲食頭面喑喑而熱故云熱痰也

冷痰候

冷痰者言胃氣虛弱不能宣行水穀故使痰水結聚停於胸膈之間時令人吞酸氣逆四支變青不能食飲也

痰結實候

此由痰水積聚在於胸府遇冷熱之氣相搏結實不消故令人心腹否滿氣息不安頭眩目暗常欲

嘔逆故言痰結實

鬲痰風厥頭痛候

鬲痰者謂痰水在於胸鬲之上又犯大寒使陽氣不行令痰水結聚不散而陰氣逆上上與風痰相結上衝於頭卽令頭痛或數歲不已久連腦痛故云鬲痰風厥頭痛若手足寒冷至節卽死

諸痰候

諸痰者此由血脉壅塞飲水積聚而不消散故成痰也或冷或熱或結實或食不消或胸腹否滿或短氣好眠諸候非一故云諸痰

流飲候

流飲者由飲水多水流走於腸胃之間漉漉有聲謂之流飲遇血氣否澀經絡不行水不宣通停聚溢於膀胱之間卽令人短氣將息遇冷亦能虛脹久不瘥結聚而成癖也

流飲宿食候

流飲宿食者由飲水過多水氣流行在脾胃之間脾得濕氣則不能消食令人噫則有宿食之氣腹脹滿亦壯熱或吞酸皆其候也

留飲候

留飲者由飲酒後飲水多水氣停留於胸膈之間而不宣散乃令人脇下痛短氣而渴皆其候也

留飲宿食候

留飲宿食者由飲酒後飲水多水氣停留於脾胃之間脾得濕氣則不能消食令人噫氣酸臭腹脹滿吞酸所以謂之留飲宿食也

癖飲候

此由飲水多水氣停聚兩脇之間遇寒氣相搏則結聚而成塊謂之癖飲在脇下弦亘起按之則作水聲

諸飲候

諸飲者皆由榮衛氣否澀三焦不調而因飲水多停積而成痰飲其爲病也或兩脇脹滿或心胸煩悶或眼暗口乾或嘔逆短氣諸候非一故云諸飲其湯熨針石別有正方補養宣導今附於後

養生方導引法云行左之右之側臥閉目氣不息十二通治諸飲不消右有飲病左不息排下消之又云驚行氣低頭倚壁不息十二通以意排之痰飲宿食從下部出息驚行氣者身直頸曲排氣下行而一通愈宿食久行息然能出不須孔塞也

支飲候

支飲謂飲水過多停積於胸膈之間支乘於心故云支飲其病令人咳逆喘息身體如腫之狀謂之支飲也

溢飲候

溢飲謂因大渴而暴飲水水氣溢於腸胃之外在於皮膚之間故言溢飲令人身體疼重而多汗是其候也

懸飲候

懸飲謂飲水過多留注脇下令脇間懸痛咳唾引

脇痛故云懸飲

癖病諸候

凡十一論

癖候

夫五藏調和則榮衛氣理榮衛氣理則津液通流
雖復多飲水漿不能爲病若攝養乖方三焦否隔
三焦否隔則腸胃不能宣行因飲水漿過多便令
停滯不散更遇寒氣積聚而成癖癖者謂僻側在
於兩脇之間有時而痛是也其湯熨針石別有正
方補養宣導今附於後

生方云臥覺勿飲水更眠令人作水癖

又云飲水忽急咽久成水癖

又云舉兩膝夾兩頰邊兩手據地蹲坐故久之愈伏梁伏梁者宿食不消成癖腹中如杯如盤宿癰者宿水宿氣癖數生癰久行腸化爲筋骨變爲實

久癖候

久癖謂因飲水過多水氣壅滯遇寒熱氣相搏便成癖在於兩肋下經久不瘥乃結聚成形段而起按之乃水鳴積有歲年故云久癖

癖結候

此由飲水聚停不散復因飲食相搏致使結積在於膈下時有弦亘起或脹痛或喘息短氣故云癥結脉緊實者癥結也

癥食不消候

此由飲水結聚在於膀胱遇冷熱氣相搏因而作癥癥者冷氣也冷氣久乘於脾胃得濕冷則不能消穀故令食不消使人羸瘦不能食時泄利腹內痛氣力之弱顏色黎黑是也關脉細微而絕者腹內有癥不能食也

寒癥候

寒癖之爲病是水飲停積脇下弦強是也因遇寒卽痛所以謂之寒癖脉弦而大者寒癖也

飲癖候

飲癖者由飲水過多在於脇下不散又遇冷氣相觸而痛卽呼爲飲癖也其狀脇下弦急時有水聲

痰癖候

痰癖者由飲水未散在於胸府之間因遇寒熱之氣相搏沈滯而成痰也痰又停聚流移於脇肋之間有時而痛卽謂之痰癖

懸癖候

懸癖者謂癖氣在脇肋之間弦亘而起欬唾則引脇下懸痛所以謂之懸癖

酒癖候

夫酒癖者因大飲酒後渴而引飲無度酒與飲俱不散停滯在於脇肋下結聚成癖時時而痛因卽呼爲酒癖其狀脇下氣急而痛

酒癖宿食不消候

此由飲酒多食魚膾之類腹內吞滿因而成渴渴又飲水水氣與食結聚兼遇寒氣相加所以成癖癖氣停積乘於脾胃胃得癖氣不能消化故令宿

食不消腹內脹滿噫氣酸臭吞酸氣急所以謂之
酒癖宿食不消也

飲酒人痰癖菹痰候

夫飲酒人大渴渴而飲水水與酒停聚胸膈之上
蘊積不散而成癖也則令嘔吐宿水色如菹汁小
豆汁之類酸苦者故謂之酒癖菹痰也

否噎病諸候

凡八論

八否候

夫八否者榮衛不和陰陽隔絕而風邪外入與衛
氣相搏血氣壅塞不通而成否也否者塞也言府

藏否塞不宣通也由憂恚氣積或墜墮內損所致
其病腹內氣結脹滿時壯熱是也其名有八故
云八否而方家不的顯其證狀范汪所錄華他太
一決疑雙丸方云治八否五疝積聚伏熱留飲往
來寒熱亦不說八否之名也

諸否候

諸否者榮衛不和陰陽隔絕府藏否塞而不宣通
故謂之否但方有八否五否或六否以其名狀非
一故云諸否其病之候但腹內氣結脹滿閉塞不
通有時壯熱與前八否之勢不殊故云諸否其湯

熨針石別有正方補養宣導今附於後

養生方導引法云正坐努腰胸仰舉頭將兩手指相對向前捺席使急身如共頭胸向下欲至席還起上下來去二七去胸肋否藏冷臍疼悶腰脊悶也

噎候

夫陰陽不和則三焦隔絕三焦隔絕則津液不利故令氣塞不調理也是以成噎此由憂恚所致憂恚則氣結氣結則不宣流使噎噎者噎塞不通也

五噎候

夫五噎謂一曰氣噎二曰憂噎三曰食噎四曰勞
噎五曰思噎雖有五名皆由陰陽不和三焦隔絕
津液不行憂恚嗔怒所生謂之五噎噎者噎塞不
通也

氣噎候

此由陰陽不和藏氣不理寒氣填於胸膈故氣噎
塞不通而謂之氣噎令人喘悸胸背痛也

食噎候

此由藏氣冷而不理津液澀少而不能傳行飲食
故飲食入則噎塞不通故謂之食噎

喘息食不下是故噎也

久寒積冷候

此患由血氣衰少府藏虛弱故令風冷之氣獨盛於內其冷氣久積不散所以謂之久寒積冷也其病令人羸瘦不能飲食久久不瘥更觸犯寒氣乃變成積聚吐利而嘔逆也

腹內結強候

此由榮衛虛弱三焦不調則令虛冷在內蓄積而不散也又飲食氣與冷氣相搏結強而成塊有上有下或沈或浮亦有根亦無根或左或右也故謂

之腹內結強久而不瘥積於年歲轉轉長大乃變
成癥瘕病也

巢氏

病源候總論卷之二十終